

光緒山西通志

古蹟考三

考四之三

山西通志第五十一

馬進士出身頭品頂戴兵部侍郎兼都察院右副都御史巡撫山西提督軍務
有監修

國都 秦漢至元明

秦初太原嘗為國以封白仲及嫪毐又五馬亭在壺關潞城
界太原守令狐範以列侯食封者也

史記秦本紀始皇八年嫪毐封為長信侯予之山陽地又
以河西太原郡為毒國 魏書地形志上黨郡壺關有五
馬門令狐徵君墓 唐書宰相世系表武安君白起賜死
杜郵始皇思其功封其子仲於太原又令狐氏世居太原
秦有太原守五馬亭侯範

謹案漢書百官公卿表爵二十級皆秦制以賞功勞

徹侯金印紫綬避武帝諱曰通侯或曰列侯續漢書

百官志列侯功大者食縣小者食鄉亭得臣其所食

吏民是鄉侯亭侯之名雖始見於後漢實皆沿秦舊

制也今潞城壺關並有五馬村東五馬西五馬屬潞城南五馬屬壺關並

在平順當卽秦亭所在地形志所云五馬門者爲令

狐範之遺封而漢壺關三老令狐茂亦或卽範裔蓋

其子孫又因食封而莫居也故據唐表並錄入爲秦

侯封之僅見者至舊志所列臨晉君楊朗亦見於表

然表固云叔向子孫居河內朗爲秦將封臨晉君因

居馮翊唐以前之臨晉不在河東尤其明證

漢之際西魏王豹都平陽而安邑亦有魏豹城

舊志蒲州北門外越城周一百三十步西魏大統四年

造浮橋九年築城一云魏豹所築 又安邑縣西一里
古城魏文侯築東西兩壘對峙韓信擒魏豹於此亦名
魏豹城 又芮城縣東二十五里牛高村亦名魏豹城
謹案漢書本傳項羽封諸侯欲有梁地迺徙豹於河
東都平陽爲西魏王今平陽無豹遺跡若蒲州之城
則其盛兵蒲坂塞臨晉所築也安邑之城則韓信以
木罌缶渡軍襲安邑是也獨芮城之城不可知或淺
人見韓信傳有云伏兵從夏陽渡彼誤仍夏陽爲夏
縣遂疑渡河必自平芮因而造作此古蹟乎不知虞
晉所滅之夏陽以地形核之當在夏縣卽不然亦在
平芮間韓信所渡之夏陽則當依注定爲陝西韓城
也一以韓城與臨晉昆連臨晉乃今之朝邑二則臨

晉陳船之地漢有天下後仍爲船司空當日或已有船廠故信至卽得陳船耳未可執一而論也

又案安邑城西之城俗名魏豹城者舊志以爲魏文侯築亦未確也史記魏武侯二年城安邑王垣則固不在文侯時又今運城后土廟城隍廟之石柱皆彫作蟠龍壯麗非常實從此魏城中掘出者人皆傳爲豹所作宮殿柱考豹爲魏王通計三十八月耳五月而救趙十五日而從項王入關七月而國分爲股三十二月而降漢三十三月而從漢伐楚三十四月而叛漢三十八月而爲韓信所虜國亡計匆匆三年中固無暇厚斂彫牆也戰國策蘇秦曰魏惠王說於衛鞅之言先行王服乃身廣公宮制丹衣柱建九旌

從七星之旗蓋惠王故都安邑斯時僭卽天子之位
故廣宮而制柱此所掘出之龍柱豈非國策制柱之
稿證耶何得指爲豹耶

趙歇陳餘迭王代皆在山北其國都乃蔚州今屬直隸惟李
左車封廣武君則代州西之古城也

史記張耳陳餘傳項羽乃分趙立耳爲常山王治信都而
徙趙王歇王代秦楚之際月表曰都代也 又陳餘襲常
山王耳耳敗走餘皆收趙地迎趙王於代復爲趙王趙王
德餘立以爲代王餘爲趙王弱國初定留傳趙王而使夏
說以相國守代 韓信傳廣武君李左車

尹耕代國考自漢以來代國有三曰山北也山南也山
東也山北之代舊國也始於商湯歷代因之齊桓之所

服趙襄之所并代成安陽之所封公子嘉之所奔趙歇
 陳餘之所王夏說之所守王喜之所棄陳豨之所監者
 是也今蔚之廢城也山南之代徙都也始於高帝十一年
 分山北為郡而稍割太原地益之以自為國文帝之
 始封中年之所徙入繼之所自臨幸之所復以及子武
 子參之所分後武徙淮陽子參之所合皆是也所謂晉
 陽中都也山東之代再徙也始於武帝元鼎中漢廣關
 以常山為阻徙代於清河後王莽繼絕改號廣宗王義
 之所都子年之所處如意之所復皆是也所謂清河也

案公子嘉奔代在高柳代成君封安陽在桑乾川並見
 水經注其地皆在蔚北竊疑夏說為陳餘所守之代恐
 亦不在蔚州何則韓信傳言信滅魏之後擊趙之前破
 代禽夏說喋血開與蔚與在遼沁曹參傳言擊夏說軍
 於鄆東則在介休皆去蔚經遼沁曹參傳言擊夏說軍
 破之者乃在汾沁間也況後此封文帝為代王則在中

都以中都而稱代必有所權與知夏說所守之代卽已
在山南故文帝建國就近遂襲其號而仍名代尹氏蔚
人所著代郡諸考率多牽就惟此篇爲明燎然元鼎再
徙已改號清河矣而卽名爲山東之代何耶至謂代始
於商湯仍兩鎮三關志
之說亦勇於自信矣

舊通志代州西一十五里前漢置廣武縣屬太原後漢
晉北魏胥屬雁門隋開皇十八年改縣爲雁門括地志
廣武故城在雁門縣勾注山南四十五里通典在雁門
縣西南明一統志在代州西一十五里圖經在勾注陘
口之南卽漢械繫婁敬地後魏移置上館城按魏地形
志原平縣有廣武城當在雁門之南隸醇縣而明廣武
城南距代州六十里在雁門之北俱非廣武故城也
代州志漢廣武故城在州西十五里今名古城村楚漢
之際李左車號廣武君以此通志謂隋開皇十八年改

雁門縣非隋改縣在北魏徙治上館之後卽今州城此地乃雁門故郡不得云雁門故縣又金廣武故城在州西北六十里今名舊廣武金史地理志代州廣武縣舊屬朔州是也一統志在崞縣南四十里通志廣武舊站卽魏所徙郡治並誤辨詳沿革廣武城在州境者有三一爲州西古城漢故縣也一廣武舊站金故縣也一廣武營今名新廣武明所建雁門守禦所也若崞縣南之唐林石晉時亦名廣武與北魏北豫州之廣武郡東燕州東夏州之廣武縣皆名同地異

謹案廣武故城據州志則勾注南北各有二城舊志旣知漢故城在州西十五里乃於朔州馬邑下復列廣武故城以爲韓王信之屯兵廣武者卽此且曰漢

爲縣隸太原郡其人物便列李左車於潞安蓋據潞
城志廣禪山有廣武君也而於傳中則云封廣武
君卽今代西之故廣武其參錯若是

右秦及楚漢之際

漢初韓王信自晉陽徙治馬邑本代地也故亦名代後更以
故代封兄喜及子如意其後乃並山南地曰代立子恆爲代
王卽文帝也初都晉陽後徙中都中都今平遙也

史記諸侯年表代國高祖二年十一月韓王信元年都馬
邑五年降匈奴國除爲郡六年初王喜元年九年匈奴攻
代代王乘其國亡歸漢後置代中都都十一年二月丙子
初王恆元年恆高祖子

漢書韓王信傳高帝五年春與信剖符王領川六年春乃

更以太原郡爲韓國徙信以備胡都晉陽信請治馬邑

又高祖紀六年正月王子以雲中雁門代郡五十三縣立

兄宜信侯喜爲代王以太原郡三十一縣爲韓國徙韓王

信都晉陽九月匈奴圍韓王信於馬邑信降匈奴 七年

冬十月上自將擊韓王信於銅鞮斬其將信亡走匈奴與

其將曼邱臣王黃共立故趙後趙利爲王收信散兵與匈

奴共距漢上從晉陽連戰乘勝逐北至樓煩會大寒士卒

墜指者什二三遂至平城爲匈奴所圍七日用陳平祕計

得出使樊噲留定代地十二月匈奴攻代代王喜棄國自

歸洛陽赦爲合陽侯辛卯立子如意爲代王九年春正月

徙代王如意爲趙王 十年九月代相陳豨反十一年冬

大破之太尉周勃道太原入定代地將軍柴武斬韓王信

於參合 上還徃陽詔曰代地居常山之北與夷狄邊趙
乃從山南有之遠數有胡寇難以爲國頗取山南太原之
地益屬代代之雲中以西爲雲中郡則代受邊寇益少矣
王相國通侯吏二千石擇可立爲代王者燕王綰相國何
等三十三人皆曰子恆賢知溫良請立以爲代王都晉陽
如瀆注文紀言都中都又文帝過太原復晉陽中都二歲
似遷於中都也案如說是也前都晉陽後都中都故推恩
龍潛之地兩縣
皆得復二歲也

謹案以山南太原郡地益屬代據高紀在如意旣徙
之後文帝始封之前然韓王信事與此事首尾相連
信之原都晉陽後可改爲代以封文帝實信之新都
馬邑早已直據代而溷喜與如意是知韓代錯雜不
始於十一年之詔也前則趙代不分故趙嘉趙歇皆

魏代王後則韓代相亂故大陵中都皆屬代國也觀
此事中所涉之樓煩平城雖在晉陽以北而高帝之
擊也在銅鞮周勃之入也在太原皆晉陽以南地可
見山南之益諸代亦由交涉已久遂因其自然之勢
而已矣故史記年表直以韓王信與王喜文帝相次
然於代不復別書韓名 又案中都有三惟漢文
所都之中都在平遙此外漢前漢後之中都皆不在
平遙也左傳昭公二年晉侯 陳無宇非卿執諸中
都注中都晉邑在西河界介縣東南夫自漢置中
都後晉仍舊未廢元凱不取 兒有之縣注之而必遠
中都對東南是其塙有依 可知今介休東南冀壁
中都有宋碑其文曰定 之陽爲晉中都城故址

此今介休境之中都前於漢而春秋卽著者不在平遙一也北魏地形志太原郡中都縣下注曰有榆次城然考北魏時太原郡本自有榆次縣注於中都下又著榆次城無乃複乎及樂子正始言眞君九年徙中都治廢榆次縣西南始悉地形注之榆次城者蓋廢縣而非見置之縣也此今榆次境之中都後於漢而拓跋始見者不在平遙二也至若文帝之中都見於史者史記秦本紀惠文君後元九年伐取趙中都西陽趙世家同張守節引括地志曰中都故縣在汾州平遙縣西十二里此則眞文帝之都也已

文帝分故藩爲二子參爲太原王都晉陽武爲代王都中都尋改封武而徙參王代都晉陽如故

漢書諸侯王表代孝王參二年立爲太原王王三年更爲
代王孫剛王義元鼎三年徙清河梁孝王武二年立爲代
王三年徙淮陽王十年徙梁 文三王傳代孝王參初立
爲太原王四年徙爲代王復並得太原都晉陽如故

謹案文帝王代始都晉陽後徙中都是有二都矣故
卽位後可分王二子特其遷徙之由無年可考據漢
書異姓諸侯王表高帝五年以太原爲國王韓信始
九月信反降匈奴高后七年趙王呂祿始高后兄子
八年八月漢大臣共誅祿一似祿所封之趙卽在太
原雖其時太原屬代文帝初都無別封他人之理然
前此呂台封王已割齊之濟南郡爲奉邑太后殺高
帝子且數人豈以代王爲意者表直書祿於太原一

格中必有依據惟外戚傳言太后殺高祖子趙幽王
共王燕王遂立諸呂爲王高五王傳亦云殺三趙王
滅梁趙燕以王諸呂以表證之則高后元年封呂台
爲呂王其徙梁王恢王趙以梁封呂產又殺趙王以
趙封呂祿在七年其殺燕王建子以燕封呂通在八
年與高后紀太后臨朝卽封台產祿通四人爲王不
合常以表及傳語爲是則祿自席趙王之遺封不必
奪代邸之故郡也姑附存其說於王國後不敢爲定

論焉

其侯國宗室則壺關以封惠帝子武在今長治縣

漢書外戚恩澤侯表壺關侯武以孝惠子侯高后元年四
月辛卯封六年爲淮陽王

水經注漳水又東北逕壺關縣故城西又屈逕其城北故

黎國也有黎亭縣有壺口關故曰壺關矣呂后元年立孝

惠後宮子武為侯國

案卽今沁安府治也隋分置上黨縣尋省壺關入上黨唐復置縣則今之

壺關縣也隔越重山非漳水所經矣

謹案孝惠子凡七人弟一子者呂太后使張皇后取

後宮美人子名之立四年出怨言太后幽之永巷廢

死此一少帝也餘六人三曰彊四曰朝五曰不疑七

曰泰而常山王義本名宏又名山乃第二子前少帝

廢後立為帝東牟侯與滕公載就外邸殺之而迎文

帝又一少帝也壺關侯武乃第六子後為淮陽王亦

為諸大臣所殺漢書列之外戚恩澤侯表中者蓋目

為呂氏黨而不以帝子待之也考呂后紀云太后崩

大臣相與陰謀以爲少帝及三弟爲王者皆非孝惠子復共誅之周勃傳云陰謀以爲少帝等皆非惠子呂太后以計詐名他人子令孝惠子之文帝賜南粵書亦曰高后取他姓子爲孝惠皇帝嗣云云可知七人實孝惠子謂非孝惠子者乃平勃等陰謀以大誣呂氏之罪耳而諸子徒以童孤橫被慘殺且誣爲他姓子直至孟堅猶列之外戚卽如注亦尙云非帝子則平勃等之酷毒爲何如耶俞正燮引鄭生傳天下稱酈況賣友之言以爲天下皆知孝惠之枉可謂善讀書者矣因武侯壺關並論及之

代共王子九人綰侯離石罷軍侯蘭遷侯皋狼皆今永甯州地忠侯隰城亦在州境其後改封端氏又今沁水縣地也

漢書地理志西河郡皋狼蘭離石隰城河東郡端氏水
經注河水又南得離石水口水出離石北山南流逕離石
縣故城西史記秦昭王伐趙取離石者也漢武帝元朔三
年封代共王子緡爲侯國後漢西河郡治也其水又南出
西轉逕隰城縣故城南漢武帝元朔三年封代共王子忠
爲侯國王莽之慈平亭也胡俗語訛尙有干城之稱其水
西流注於河也

汾州府志皋狼今永甯州西北及臨縣之境戰國策知
伯使人之趙請蔡皋狼之地趙襄子弗與語轉字異亦
曰郭狼武靈王召樓緩謀曰我先王取藺郭狼知伯所
請蔡皋狼卽武靈王稱藺郭狼者藺字轉寫訛作蔡皋
郭語之轉耳 藺今永甯州西及臨縣之南境離石卽

永甯州境史記趙世家成侯三年當魏武侯之十五年
魏敗我蘭魏世家作敗趙北蘭張守節云在石州趙之
西北是也二十四年當秦孝公之十一年秦攻我蘭肅
侯二十二年當秦惠文君之十年秦取我蘭離石武靈
王十三年當秦惠文君改元之十二年秦攻我蘭六國
表作擊蘭陽而戰國策秦攻趙蘭離石祁拔鄭朱對秦
王曰夫蘭離石祁之地遠於趙而近於大國其事與秦
伐趙攻閔與相連屬在趙惠文王二十九年秦昭王三
十七年蓋邊邑時失時復靡常也 水經注離石水南
流逕離石縣故城西又南出西轉逕隰成縣故城南其
水西流注於河據此則漢之隰城縣遠在離石水之西
而顧祖禹讀史方輿紀要云隰城故城府西七十里漢

縣又引或曰三國魏省隰城人茲氏皆非也後漢郡國志已無隰城當省入離石去茲氏則遠不得越離石而

省入茲氏晉始改成為城所言在府西七十里者今亦

無考案漢表舉狼作阜現關成作濕城皆說文而師古云濕音宅合反尤謬蓋水經訛濕為濕又訛濕為

濕字當音宅合反訛誤伊作彼地也至舉狼地在西河證以國策史漢皆合釋之者從無異說而表文則地屬臨淮已無可徵舊志乃云在

今武鄉縣更不知何所本也

賢侯臨河疑即臨水今臨縣所從名也郅客侯土軍在今石

樓漢初嘗以封宣義者遇侯千章或云今興縣要皆漢西河

郡地也惟順侯邵別在河東嘉侯利昌無考

漢書地理志西河郡千章臨水土軍 水經河水又南過

土軍縣西注吐京都治即土軍縣之故城也胡漢譯言音

為訛變矣其城圓長而不方漢高帝十一年以封武侯宣

義為侯國

漢表武侯訖式侯傳四世至曾孫生元朔二年坐罪免案代共王子皆以元朔三年封則宣氏

除後次年

郡國志河東郡垣有邵亭

漢志釋略臨

水今臨縣西北千章今興縣西

汾州府志臨縣唐武德三年置臨泉縣金改臨泉為臨

水案漢西河郡有臨水縣或以為即臨縣然水經注與

唐宋地志絕不涉及無可證實石樓縣本漢土軍縣地

北魏置吐京郡隋開皇初郡廢為吐京縣十八年改曰

石樓唐武德元年析置長壽臨河二縣貞觀元年省入

石樓案此則石樓亦有臨河未嘗不可援為漢侯國之

又考漢朔方郡實有臨河縣然去代過遠決非

謹案漢武用主父偃計令諸侯得推恩分子弟以地

侯之其國必稍自削弱故代之分封者有九國而見

於地志者止七縣其邵侯順或卽垣曲界之邵亭後魏因之置祁州者不在代疆內利昌侯嘉其名不別見疑亦鄉亭也據表其後諸國皆他徙而侯嘉獨席舊封傳至四世則亦不在代疆內疑此二國史失其本封僅以後徙之地著之表也漢西河郡跨河爲汜河西之縣多析自上郡河東之縣率割自太原西河郡爲武帝元朔四年新置諸王子皆封於元朔三年是立國甫一年而本封已改爲西河屬縣又十二年爲元鼎三年王義徙王清河而代國亦復爲太原本郡此尤削弱之顯見者惟史記秦本紀稱拔趙三十七城置太原郡高祖紀稱以太原郡三十一縣爲韓國文帝封代當仍韓舊而漢書地理志太原郡止二

十一縣然則改屬西河者固不僅此七縣而七縣之
爲河以東地灼然無疑也

其功臣故封曹參之侯平陽緡賀之侯祁陳邀之侯猗氏今
府縣仍其名

水經注汾水又南逕平陽縣故城東晉大夫趙彘之故邑
也應劭曰縣在平河之陽堯舜並都之也竹書紀年晉烈

公元年韓武子都平陽漢昭帝封度遼將軍范明友爲侯
國案漢表作平陵侯匈奴傳同酈氏偶誤太平記晉州
或所見本異也地理志石扶風有平陵

臨汾縣平水圖云平陽故縣西南十五里有平水卽晉水
也案故城今并州祁縣故祁城漢祁縣城也在縣東南五
里縣志云蒲州猗氏縣漢書地理志猗氏屬河東郡在今

縣南二十里猗氏故城是也

周勃之侯絳則曲沃也靳彊之侯汾陽則嵐縣也齊受之侯平定則偏關河西鄂爾多斯地也皆非今之州縣

漢書地理志河東郡絳太原郡汾陽西河郡平定 水經

注滄水又西南與絳水合水出絳山東西北流注於滄應

劭曰絳水出絳縣西南蓋以故絳為言也 又汾水南逕

汾陽縣故城東川土寬平峘山夷水地理志曰汾水出汾

陽縣北山西南流者也漢高祖十一年封靳彊為侯國

太平記絳州曲沃縣本晉舊都絳縣漢屬河東郡今縣南

二里絳邑故城是也又云滄水經故城南西流合絳水周

勃為絳侯即其地也案此即應仲遠所云故絳嵐州宜芳縣

秀容城即漢汾陽縣城在郡西南三十里嵐縣志今城址

有秀容古堞案樂氏以汾陽與秀容為一城與水經注不合注於汾水南逕汾陽故城東後云又南逕秀容城東魏

土地記曰秀容胡人徙居之立秀容護軍治東去汾水六十里則漢故城當在秀容城之北然汾陽至後漢已省魏別立城方及十里或與漢城址相毘連也

汾州府志東觀漢紀西河郡治平定縣

記云西河郡治平定縣離石在

郡南五百九里永和九年以匈奴寇掠徙郡離石唐李吉甫元和郡縣圖志漢

武帝元朔四年置西河郡理富昌縣吉甫蓋因地理志

首列富昌故云然後漢書始云凡縣名先書者郡所治

也孟堅作志未有斯例閻百詩潛邱劄記會論之如梁

國先書碭而治睢陽汝南郡先書平輿而治上蔡是也

百詩於西河亦從元和志則偶失檢耳

周昌之侯汾陰在今榮河其石之侯陽阿在今陽城杜愔之

侯長脩在今絳州駒幾之侯騏在今鄉甯以及匈奴降王賜

之侯垣卽今垣曲小月氏王扞者之侯軻譙爲今永和夏侯

嬰之茲氏則兼封者也在今汾陽其縣名皆見於漢志

漢書地理志河東郡汾陰垣長修狐譚騏太原郡茲氏上

黨郡陽阿夏侯嬰傳封沂陽侯擊項籍下邑追至陳定

楚益食茲氏

舊通志茲氏城今汾陽縣十五里一名甄子城後魏西河郡治鞏村亦有遺址

太平記蒲州寶鼎縣漢爲汾陰縣屬河東郡高帝封周昌

爲侯國卽此今縣北九里汾陰故城是絳州正平縣長

修故城郡國縣道記云在州西北三十里長修故城是也

漢高帝十一年封杜恬爲侯國後漢省慈州鄉甯縣周

顯德三年以呂香縣併入焉騏邑郡國縣道記漢騏縣後

漢省武帝封虜國駒淺爲侯漢志云侯國又表注稱在北

屈縣界舊地理書並失所在今郡東一百四十里則今邑

是也按縣東南約六七十里有馬頭山蓋山形似馬頭以

為名騏則馬之駿異者縣因山為名知即今縣是也元和志馬

頭山在昌香縣東南六十里呂絳州垣曲縣故垣縣在香故縣在鄉甯縣東八十里也

今縣西北漢為縣城案故城在今縣西北二十里隰州永和縣本漢

狐講縣今縣西南三十五里故城是漢理所

陽城縣志鄺善長云陽泉水東逕陽陵城南即陽阿之

故城也漢高帝七年封卞訢為侯國原注漢地理志無陽阿縣史記漢書

侯表亦無卞訢當時旋置旋廢故班志不載而善長別有所據以為微耶案史漢表並作陽河侯其石陽河

乃陽阿之譌地理志上黨郡縣十四陽阿在十三郡國志陽阿侯國字不誤此云志無陽阿殊謬以大

勢核之漢時陽阿當在今沁水東南陽城西北若北魏

陽阿縣則今鳳臺高平沁水三縣間蓋在陽城東北矣

今言郡地者以鳳臺大陽鎮為即古陽阿故縣此以指

北魏者則可耳非漢侯國也今陽城縣西北地有陽邑

者當是漢陽阿縣之遺處以水經及注證之水經沁水南過陽阿縣東今沁水自郭壁入縣境至潤城則正在陽邑東而凡今縣之北境義城蒿谷至王村在沁水左右者疑並陽阿侯國地故經云沁水南過陽阿縣東也注則謂沁水南過陽阿縣故城西又引魏土地記建興郡治陽阿縣建興乃慕容永所置訖魏末猶因之者則正當道元之世故曰沁水逕陽阿縣故城西所指乃北魏之陽阿縣地與在漢者異斯其在鳳臺高平沁水間者注與經各爲著書不必相循而無傷抵牾特注所謂故城者疑必其文有誤蓋酈元身處北魏其縣未廢不得於此頓稱故城

案魏土地記所云建興郡在鳳臺西北之大陽鎮乃慕容永所置其北魏之郡又在其南之桃固嶺故酈注於獲澤水入沁後又云沁水又東南陽阿水左入焉水北出陽阿川南流逕

建興郡西又東運午壁東而南入山轉西南流入於沁
水於此建興郡不著故字足徵為魏時所治之城而土
地記所言為故城矣今大陽鎮有北齊造像碑文云大
齊河清二年歲次癸未五月陽阿故縣村合邑長幼等
敬造石像一軀可為的證至其下陽陵城即陽阿之故城則善長指
言漢縣遺址尙存是有故城之目為當然不誣耳

謹案陽阿據水經注及地形志證之沁西之城一即
道元所謂陽陵城也在陽城縣沁東之城二一為慕
容始置所謂郡西四十里有沁水南流者一為北魏
徙置所謂陽阿水南流逕建興郡者並在鳳臺縣而
元和志則云遼州遼山縣後漢於此置陽阿縣屬上
黨郡是有四城矣幸其建置之代確有可考不得不
推陽陵為最先蓋山沁西徙轅陽又自轅陽徙置沁
東卒乃為北魏建興郡耳錢氏坊漢志辨注謂當在

澤州府城之西陽城縣之北似尙模稜陽城志頗辨
節錄之而略正其疎誤云 又案長脩漢志無注郡
國縣道記云絳西北三十里有長脩故城錢坫以爲
今稷山縣不知非也稷山在汾南而長脩故城在汾
北一不合也稷山爲絳州西南而長脩故城在絳西
北二不合也水經注汾水逕長脩城南受脩水又逕
清原城又逕冀亭又受華谷水又逕一故城然後逕
稷山耳尙隔三城二水烏得爲一三不合也且稷山
縣本聞喜縣西北之稷亭後魏始析出兼割龍門縣
地置高涼縣隋乃更名稷山耳漢時尙無城也使長
脩故城卽在此地北魏不待割別縣而創置矣四不
合也此地今仍在絳州境卽州西北之泉掌村也周

韋孝寬欲於華谷及長秋築城長秋卽長脩語音有
重輕耳道里準望皆與縣道記合 又案垣侯史漢
所言一人耳而垣爲桓則孟堅之誤或壞字也垣卽
魏武侯所城之王垣司馬貞明云在河東羅泌亦以
因之作桓者爲非也然羅又嘗以曲沃桓叔之桓爲
地名實爲舛誤之尤者勿亦見班氏之以垣爲桓遂
疑此縣固有桓名并疑爲桓叔之初封乎又史記秦
本紀昭襄王十五年正義曰前秦取蒲坂復與魏魏
以爲垣今又取魏垣復與之後秦以垣爲蒲坂皮氏
據此則疑垣非垣曲然蒲坂之名垣乃故魏地名漢
無之也索隱以此垣爲河東縣名則斷斷以垣曲爲
是必非襲用亡魏暫稱之地名可知矣 又案韋譚

徐松地理志集釋瓠爲瓠之訛字漢志作瓠者又瓠之假借也路史謂徐作執非而史記建元以來侯者表徐廣固音胡未嘗作執也惟王子侯表徐廣曰瓠一作報且漢志北海郡有瓠縣小顏則云卽執字然則王子侯表之瓠節侯息應從顏作執而屬北海郡若此則應從徐作瓠而屬河東郡未可涸爲一地也華毋害之侯絳陽亦在今曲沃酈疥之侯高粱在臨汾張次公之侯岸頭在河津龍桀之侯襄城在襄垣馮解散之侯闕與江喜之侯轅陽並在遼州率爲古邑聚名其朝鮮相子張略之侯幾匈奴降王諱壽尼之侯下摩並屬河東亦皆不見於志蓋卽食封於鄉亭者也

水經滄水出河東絳縣東滄交東高山西過其縣南又西

南過虜祁宮南注春秋成公六年晉景公謀去故絳欲居
郇瑕韓獻子曰土薄水淺不如新田有汾澮以流其惡遂
居新田又謂之絳卽絳陽也蓋在絳澮之陽漢高帝六年
封越騎將軍華毋害爲侯國縣南對絳山面背二水虜祁
宮在新田絳縣故城西四十里晉平公之所構也 水經
汾水西南過高梁邑南注潏水卽渠山之水也西北流與
勞水合亂流西北逕高梁城北西流入於汾水汾水又南
逕高梁故城西故高梁之墟也春秋僖公二十四年春穆
公納公子重耳於晉書懷公於此竹書紀年晉出公十三
年智伯瑤城高梁漢高帝十二年以爲侯國封恭侯酈疥
於斯邑也 又水經注清漳水又南得梁榆水口水出梁
榆城西大嘯山東北逕梁榆城南卽闕與故城也秦伐趙

關與惠文王使趙奢救之納許厯之說破秦於關與謂此也司馬彪袁山松郡國志並言涅縣有關與聚盧諶征艱賦曰訪梁榆之虛郭弔關與之舊都關駟亦云關與今梁榆城是也漢高帝八年封馮解散為侯國清漳水又東南與棘水相得棘水出棘陽縣西北棘山南流逕棘陽縣故城西南

謹案絳陽漢表作終陵誤路史引表又作終陝尤誤

故絳新絳其說紛然而酈氏獨舉絳陽為新田絳縣

其地在曲沃絳州閒

袁字記脫祁宮在絳州南六里則州距新田約三十里

去曲沃之侯馬驛為近高粱城括地志在臨汾東

北三十七里太平記引河北圖同即善長所云潞水

所經者其汾水所經之高梁故城則今縣北十里之

高河鎮也善長證爲疥封邑當與范陽鄆亭同深數
典非漫無決擇者也 岸頭晉灼云河東皮氏亭卽
魏哀王元年犀首敗走於岸門之地故表亦注曰皮
氏今河津之岸底王村也說詳前卷 地理志襄城
屬潁川郡高后初以封惠帝子宏爲侯國三年進常
山王其後韓王信孫韓嬰以匈奴相降亦封襄城侯
邑二千戶表皆不注所在獨龍策之封注云襄垣蓋
宏嬰封國本爲大縣故無容注若策則食封止四百
戶爲鄉亭之侯注襄垣正以別於潁川之縣耳元和
志襄垣以趙襄子所築故名其故城據水經注有二
一爲漳水所經在今縣東北一爲銅鞮水所經在今
縣西此襄城未審何屬 闕與亦有二城一在沁州

元和志所謂烏蘇城也一爲今和順縣卽酈注所云
梁榆城也而馮解散封國史漢均作闕氏注以爲闕
與或所見本有異戴東原云近刻封馮解散爲侯國
作爲闕氏侯國當是後人據史記所增是也史記秦
本紀始皇十一年王翦攻闕與椽陽椽陽徐廣曰在
并州張守節曰漢表在清河十三州志云椽陽上黨
西北百八十里元和志謂後魏明帝改椽陽爲遼陽
正道元時事而注仍書作椽其文與闕與相屬而不
以江喜侯國爲證或泥於表文然清河絕無可徵也
辨詳遼州沿革下 下摩表注在猗氏今無可指
實幾漢表注云在河東不言何縣考戰國趙策秦敗
闕與反攻魏幾廉頗救幾大敗秦師史記趙世家

文王二十三年樓昌將攻魏幾不能取十二月廉頗
將攻幾取之正義曰音祈傳云伐齊幾拔之幾邑或
屬齊或屬魏當在相潞之間也今河東無考司空圖
山居記虞鄉縣有機磴而永濟縣南八十里今又有
基城然皆不鄰齊趙恐非也張氏云相潞之間者亦
無考

其外戚則駟鈞之侯鄔在介休趙兼田勝先後侯周陽在聞
喜丁滿之侯平周亦汾州地也

漢書太原郡鄔介休西河郡平周 水經注侯甲水西合
於嬰侯之水逕鄔縣故城南晉大夫司馬彌牟之邑也謂
之鄔水 涑水又西南過周陽邑南注其城南臨涑水北
倚山原竹書紀年晉獻公二十五年正月翟人伐晉周有

白兔舞於市卽是邑也漢景帝以封田勝爲侯 十三州志平周縣在介休縣西五十里漢置隸西河郡 括地志周陽故城在絳州聞喜縣東二十九里也 方輿紀要鄆城在介休縣東北二十七里

聞喜縣新志案周陽同名者有二而實非異名者有三而實是不可不詳晰辨之也所謂同名者外戚世家索隱曰周陽縣名屬上郡今檢地理志無之則索隱之言不足據也然上郡雖無此縣卻有陽周一縣小司馬誤引之耳此名同實異者一也漢書王子侯表淮南厲王子賜爲廬江三和封陽周侯趙一清引作周陽謂當在九江廬江境內蓋司馬以周陽爲陽周趙又以陽周爲周陽然趙旣云九江廬江則名同實異者二也所謂異

名者唐書宰相世系表裴氏之先晉平公封顓頊之孫
鍼於周川之裴中蓋周川卽邕城所在亦卽周陽也此
名異實同者一也竹書紀年晉獻公二十五年狄人伐
晉周有白兔舞於市此周亦卽周陽水經注以爲南臨
涑水北倚山原此名異實同者二也史記魏世家秦取
我曲沃平周張守節注曲沃在桐鄉平周在介休試思
秦人取邑必連取之平周旣與曲沃連稱斷不能在桐
鄉以北五百里外之介休也蓋平周卽周陽也此名異
實同者三也全祖望駁索隱之作陽周以爲酷吏傳之
周陽由以父趙兼封周陽侯受姓則明明不作陽周可
謂直捷了當而外戚上官后傳昭帝初欲立周陽氏女
爲后想亦兼由之息女而非田氏之所出也

後漢王國世祖以太原封兄子章都晉陽又以代封盧芳都高柳尋並除國爲郡

後漢書光武紀二年四月甲午立兄子章爲太原王十一年徙爲齊王 盧芳傳芳字君期安定三水人詐自稱武帝曾孫劉文伯豪傑共立芳爲西平王匈奴迎芳欲令還漢地建武五年入塞都九原縣掠有五原朔方雲中定襄雁門五郡十二年其雲中太守橋扈舉衆降光武芳攻雲中久不下其將隨昱留守九原欲脅芳降芳亡入匈奴十一年芳復入居高柳請降乃立芳爲代王明年冬朝正月自道還與其相閔堪等相攻連月匈奴遣騎迎芳出塞後十餘年卒

謹案芳初爲匈奴所立都九原後受光武封都高柳

高柳代郡屬縣地理志西部都尉治郡國志以縣名
先書爲郡所治代郡領縣十八首高柳是其地在後
漢時始爲郡治惟水經注引梅福上封事云代谷者
恒山在其南北塞惟其北谷中之地上谷在東代郡
在西代谷卽漢代縣今之蔚州秦以來嘗爲代王所
都宜必郡治所在而云代郡在西似前漢之郡治已
不在代縣而在高柳其地爲今陽高在蔚州西北百
八十里也地理志首桑乾宜爲郡治而在代城北九
十里亦不甚合故知梅福所指者必西部
都尉治之高柳故鄺氏亦直曰高柳故代郡治秦始皇虜趙
王遷以國爲郡蓋趙公子嘉自立爲代王者亦在是
矣章懷注高柳故城在雲州定襄縣唐定襄縣在今
大同府西北二十八里爲北魏平城之西郭其縣甚

大凡今之大同懷仁陽高天鎮及朔平之左雲右玉皆當時縣境也

其侯國宗室則獲澤以封更始孫巡在今陽城端氏以封武成侯子遵本舊國也

太平記澤州陽城縣本漢獲澤縣地屬河東郡因獲澤為名今縣西三十里故城即漢理所 端氏縣本漢舊縣也

故城在今縣西北三十里即漢理 案其地今名西城以在端氏鎮西北也

錢坫漢書斟注在今澤州府沁水縣東四十五里

功臣則鮑永之侯中陽更始所封在今甯鄉縣

後漢書鮑永傳注中陽縣屬西河郡今汾州孝義縣也

汾州府志水經河水篇南過西河圍陽縣東又南過中陽縣西又南過土軍縣西鄴道元云中陽故城在東東

翼汾水隔越重山不濱於河也道元所謂中陽故城當
爲魏之中陽縣水經之中陽乃漢縣之舊許叔重說文
解字云馮水出西河中陽縣之西南入河然則漢中陽
縣濱河明矣史記趙世家武靈王十年秦取我西都及
中陽秦本紀及六國表作取趙中都西陽傳寫訛誤也
二地同時被兵宜相去不遠皆在離石之南土軍之北
於今甯鄉縣境近之但無可證實耳水經注文水逕茲
氏縣故城東爲文湖又東南逕中陽縣故城東勝水東
逕六壁城南又東逕中陽故城南又東合文水元和志
於孝義縣下云魏移西河郡中陽於今理永嘉後省入
隰城吉甫詳中陽爲三國魏移置是漢中陽與魏實兩
地其所本之書道元殆偶失檢歟張守節以平遙縣西

之中都卽西都尤謬漢書地理志中都屬太原郡中陽
西都屬西河郡不得溷而一之

景尙之侯余吾今屯留之舊縣也郭涼之侯廣武仍代州之
故城也萬普侯泣氏在今高平馮魴侯陽邑在今太谷馬成
侯平舒在今廣靈隨憲侯武進在今和林格爾或以爲趙慮
閔堪侯高柳又與盧芳爲同封也平陽者曹參舊國裔孫宏
及湛皆嘗續封而漢末又以封張濟與張楊之侯晉陽呂布
之侯平陶皆不就國者也

水經注漳水又東涑水注之水西出發鳩山東逕余吾縣
故城南漢光武建武六年封景丹子尙爲侯國涑水又東
涑水留縣故城北案今屯留縣西北十八里有余吾鎮上黨記云故城在屯留縣西北三十里乃
據屯留縣故城而言與此注合 絕水又東南流逕泣氏縣故城北竹簪

紀年曰晉烈公元年趙獻子城泫氏絕水又東南與泫水

會水導源縣西北泫谷東流逕一故城南俗謂之都鄉城

又東南逕泫氏故城南世祖建武六年封萬普為侯國案

城在今高平縣南十里注所云絕水為今丹河 實即泫水也注因漢志訛文而誤說詳沿革下 祁夷水

出平舒縣東逕平舒縣之故城南澤中後漢世祖建武七

年封揚武將軍馬成為侯國魏土地記曰代城西九十里

有平舒城案在廣靈縣西十里俗名 白渠水出塞外西

逕定襄武進縣故城北西部都尉治王莽更曰伐蠻世祖

建武中封趙慮為侯國也案在今和林格爾廳之東太平

一曰四百里唐初雲州定襄縣本治今廳之北後乃徙今

大同府而改定襄曰雲中記所言之地在末徙時當云雲

州定襄縣然在定襄東百四十里則今衛遠廳境也後漢

封在武時芳將隨昱弟憲封武進侯此趙慮別無所見其

兩侯或即隨憲之訛文 雁門水東南流逕高柳故城北

故代郡治也秦始皇虜趙王遷以國爲郡王葬之所謂厭
狄也建武十九年封代相堪爲侯國雁門水卽陽高縣北
南洋河堪上當有柳
字

其外戚恩澤則鄧鯉亦侯濩澤馮順襲母公主爵亦侯平陽
而寶武特以定策功進開喜侯卽今縣也

一統志漢元鼎六年分左邑縣地置開喜縣東漢罷左邑
移開喜縣治焉

凡兩漢侯國地名錯出不能決其必在山西境者譜並從略
今附見其前漢侯者曰平陸曰襄陵曰張曰樂平曰甘泉曰
黎曰鹵曰鄆城曰長平曰平周後漢侯者曰臨晉曰武鄉曰
高平亭

史記惠景侯者表平陸侯禮楚元王子侯三千二百六十

七戶索隱曰縣名屬西河案西河跨河為郡不徒今之山

平陸縣大居臨水土軍之下或距河不遠當依平定侯例

列入或疑此縣當在河東陸乃陵之訛字左昭十二年分

祁氏之田為七縣司馬鄔為平陵大夫杜獨無注以呂氏

春秋大陵說大陸證之或亦互訛也但漢志右扶風有平

陵縣表文即為則其建元以來侯者表襄陵侯聖廣川穆

侯封亦當在三輔

王子元鼎元年十月封索隱曰表在鉅鹿志屬河東案武帝

諸侯得推恩封子弟為侯此襄陵必在廣川

國內漢書作襄陵必有一訛姑無深求也

功臣表張侯毛澤以中涓騎從起豐以郎將入漢從擊諸

侯侯七百戶漢表作張節又芒侯彤拓九年侯昭嗣有罪

國除孝景三年昭以故侯將兵擊吳楚復封張案張漢表

史記表毛澤下索隱曰縣名屬廣平或云毛澤所封之張

若在廣平則彰昭之張不能亦在廣平況集解裴駙引蘇

林曰張將河東可見毛之封亦不在廣平也考史記曹參

攻魏豹將孫遊軍東張則東張固在河東矣魏地志北

解縣有張楊城括地志張楊故城在虞鄉縣西北四十里

水經涑水又南過解縣又西南注於張楊池鄆注引竹書

紀年齊師逐鄰太子齒奔張城是也且晉大夫固有張氏
即地以地為氏者此謂之東張則必有西張可知今夏縣西
有兩張毛彫二侯無難並封然終不取為定論存疑焉耳

樂平侯衛母擇以隊卒從高祖起沛屬皇訢以即擊陳餘

用衛尉侯六百戶案樂平注不言所在今平定之樂平本

或當時沾縣中有此鄉名因以名郡蓋漢之侯封用鄉名

者甚多也班作樂成而羅必固從班者亦作樂平可知漢

表本是樂平也又外戚表之樂成侯史記亦本作樂平然

郡國志於東郡樂平注侯國則東漢中葉時侯封亦在彼

故不能從舊志甘泉侯王竟以車司馬漢王元年初從起

高陵屬劉賈以都尉從軍侯漢書功臣表有景嚴侯王竟

功狀即史表之王竟無一字異者而漢表作景侯或頗疑

其歧異至其二國名注皆不言所在稿以即聞喜之甘泉

景山一侯而二名兼稱也蓋聞喜有乾河見山海經曰水

冬乾而夏清實維乾河即史記之伐韓到乾河是也亦曰
甘谷隋移縣治於甘谷是也亦曰甘泉元置甘泉鎮是也
開喜又有景山亦見山海經曰景山南望鹽販之澤詩之
陟彼景山景員維河竹此一地及唐置景山折衝府是也
亦可單稱景國語率孔曰景霜以為城是也然則王竟封

於開境于長以水兩孟堅以山兩實一地耳蓋趙兼田勝
之封在景武以後此則開國功臣本非同時勿以一縣不
能兩侯疑之也案漢初以隸作兼增減隨意薛氏款識
甘泉行鏡甘泉作甘泉元城縣記三公山碑中景字作景
符意史漢之異當由篆文所致史表分景為甘泉漢表合
甘泉為景耳不能決其孰是特漢志無景縣而鄉亭容有
姑從史記

漢書功臣表黎侯召奴召平子以父齊相封戶千八百戶

地理志東郡有黎縣上黨郡壺關 鹵侯張平高祖十二年

有黎亭其為縣侯亭侯無可考

六月以擊黥布虛綰功由南陽侯進封邑二千七百戶舊

代郡有鹵城史記作鹵案代郡鹵城在今繁峙縣 鄜城侯

東縣志云安定郡本有鹵縣不得以鹵城當之 鄜城侯

周繇以舍人從起沛至霸上入定三秦食邑池陽擊項籍

榮陽絕甬道從度平陰遇韓信軍喪國楚漢分鴻溝以繇

為信戰不利不敢離上侯二千二百戶案史記作酈成索

地今考穆天子傳天子西征至於酈人何宗之子孫酈伯

絮且逆天子於智智地據博物志在解縣則今虞鄉也夫

至鄰而迎於智鄰地必與智昆連傳稱鄰人者乃因名路
史固云地有某人某氏者皆故國也表稱鄰成者乃城字
猶左傳苦成叔國語作苦城叔子也或疑周緣封池
陽不知池陽者初所食鄰城者後所封表並言始末
戚表長平侯衛青以將軍擊匈奴取朔方封邑三千八百

戶後破右賢王益封至萬六千三百戶
案地理志長平屬

長平則郡國志所云茲氏有長平亭者北魏以前未嘗以
名郡縣青初封即三千八百戶決非一亭所能賦者雖水

經注會引以證此平周侯丁滿以哀帝舅子侯千七百三
長平究為不合

十九戶按地理志西河郡平周十三州志在介休西五十里

當在孝義縣南然決非西漢故縣者此本為茲氏南境
馬太原郡其西河郡治平定在今河套東漢永和五年始

有與郡同徙者如臨成中陽皆先漢後乃移置太原郡
境也薛尚功鍾鼎款識有漢平周鉅所記釋名存平周郡

定園陰三縣其文云平周投團陰團陰在今陝西葭州去
孝義三百餘里如當時平周已治此豈能於三百里外作

器相授乎近人著漢志釋略注為臨縣西地當是葭平周
團陰均處河濱彼此相望通工易事習以為常觀後來宋

置前首軍猶治河西之葭蘆若正與漢西河跨河為郡之

治相仿是其地明明在臨縣而不據以列入者漢表注不
周在湖陽為今河南之唐縣未嘗不可以二字名地故不
敢決為必在山西也又功臣表有平州侯王味以武州作
武周例之州周二字古恒通用平州亦即平國也而注引
郡地愈當從略

舊通志臨晉侯楊賜字伯獻太尉震孫乘子中平元年

以言黃巾事封二年薨子彪襲建安十一年國除

是朝邑灼然無疑由漢以來諸楊多封臨晉則以楊氏

志嘗懸引小顏章懷諸說斷為非今釋而以

武鄉侯嚴幹建安中以討郭援功封始置漢功臣表注

郭耶高平亭侯曹幹魏王操子建安二十年封二十二

年徙賴亭侯案漢志臨淮安定二郡並有高平此未知

魏未又樂平侯梁棠梁貴人父竦之子和帝時封子安

所置

襲前說詳

右前後漢

曹魏以河東爲王國文帝封其子霖及末造司馬昭累封八郡得山西全地由晉公進爵王禪代時遂爲國號

晉書文帝紀甘露四年五月天子以并州之太原上黨西河樂平新興雁門司州之河東平陽地方七百里封帝爲晉公加九錫進位相國晉國置官司焉

其五等之封公國宗室抗封屯留琬封長子琮封平陽並爲今縣地

潞安府志屯留故城在今縣南十里長子故城在今縣西南八里

侯國苦田邱儉之安邑在今夏縣郭淮之陽曲在今定襄皆今縣也

太平記陝州夏縣古安邑城在縣西北一十五里忻州定襄縣本漢陽曲縣屬太原郡

舊通志陽曲寨爲狼孟在今縣北六十里漢置陽曲在今縣東北八十里乃忻州定襄縣界也漢末徙太原縣

北四十五里魏武築城於太原之北狼孟之南隋改陽

直又徙治漢汾陽故城在今縣治西七十里案漢汾陽

南三十五里此因唐分置汾陽而有汾陽故城之名耳寰宇記但云汾陽故縣復分孟縣尋廢

唐初析陽直置汾陽又省陽直更汾陽曰陽曲在城東

六十五里後又徙治陽直廢縣今縣東北六十里有羅

陰城名羅陰村卽隋之洛陰府唐初別置之羅陰縣也

武德時置蔚州貞觀時置燕然縣皆僑治并州陽曲宋

徙陽曲於今西郭十五里卽三交城西北六七里有古

城遺蹟意卽魏陽曲護軍治水經注所謂洛陰水逕陽曲城北汾水逕陽曲城西南注者也歷元明而陽曲附郭遂永爲會城然宋金以前陽曲在北皆由遠遷近未可以今縣治爲古陽曲也

謹案陽曲之名最早最久而地屢移亦最雜舊志固十得七八矣淮生於漢則今定襄縣人也封於魏則在今陽曲縣地界矣蓋魏武築城太原北狼孟南者今陽曲北六十里之黃土寨有狼馬溝狼馬本卽狼孟語音之譌爾汾陽故城在今縣西七十里隋文帝自以姓楊惡陽曲之名改爲陽直而徙治之唐又於故陽曲城置汾陽縣尋隋唐二代陽曲汾陽互易屢遷則以二縣相近故然觀淮之始封陽曲而後人改

封汾陽乃知二縣之相亂固不始於隋唐而魏晉以來已然矣

又案儉旣初襲高陽及進封又在安邑何以不用本縣地耶蓋秦代左邑之設卽以安邑在右名之若曰此固左安邑耳可知古時安邑聞喜兩縣一彼一此時相出入故唐武德之復置桐鄉也所用者聞喜之古名而所割者安邑之邊地然則儉之封仍不失功大封本縣之例焉耳

其張遼之侯晉陽孫資之侯中都王昶之侯京陵皆太原故縣徐晃之侯楊平陽縣也

後漢書郡國志太原郡晉陽中都京陵 元和志晉州洪洞縣漢爲楊縣屬河東郡後漢同魏置平陽郡楊縣屬焉

西河郡平遙縣京陵故城在縣東七里漢京陵縣文水縣下云平

陶城漢平陶縣也在縣西南二十五里屬太原郡後魏改為平遙縣後西胡內侵遷居京陵在今汾州界

謹案晁定封楊侯以其為楊人故耳然其故里則今

人皆云在趙城縣界洪洞趙城均唐初所置趙城析

自霍邑洪洞以後魏鎮城得名寰宇記云在今縣北

六里而據所引姚最行記百雉相臨控據險要者實

乃今趙城南二十里之上紀略距楊縣故城約三十

里故城在洪洞東南十五里今之范村亦名危城然則唐之置趙城固有割

自楊縣北者不僅析霍邑所置也不然則宋升趙城

為慶祚軍時會擴大其疆域因南取洪洞地益之也

今縣與古鎮且劃為兩境而晁之故里不與本傳相

應固其宜也

鄉亭侯若鍾繇孟達杜襲司馬幹司馬駿並侯平陽不與
郡人而清陽亭以封裴潛高陽亭以封毋邱興武觀亭以封
王昶則皆食封於其縣者也

後漢書郡國志河東郡平陽侯國 晉書地理志平陽郡
平陽侯國

聞喜縣志案水經注汾水西南逕長脩縣故城南又西
逕清原城北故清陽亭也城北有清原晉侯蒐清原作
三軍處也考此乃僖公三十一年傳晉蒐於清原作五
軍以禦狄而善長誤引作三軍故全祖望譏其左學之
疎又宣公十二年傳赤狄伐晉及清亦此地也魏代封
爵功大者乃得封其本縣聞喜裴氏世爲著姓魚豢魏
畧固言之矣故以本縣之地封之亦猶徐晃楊人封楊

侯孫資中都人封中都侯爾至清陽城卽在聞喜之北原故亦曰清原其城去縣城北三十里馬融廣成頌曰采清原固從來著名之地也 又案高陽縣今在直隸然魏世名臣功大者皆以本縣封之興旣爲聞喜人則所封之高陽當是聞喜鄉名觀後來裴愷亦聞喜人亦封高陽亭侯益可知其爲本縣地名無疑蓋聞喜之北原古有清陽亭見水經注又名高侯原見晉書載記然則高陽殆爾時鄉名之僅存者亟宜表出也

謹案曹魏地制大都因東漢之舊而西晉又因魏舊者也故考三國疆域必以二志爲據郡國志平陽南平陽並爲侯國而魏郡鄴復有平陽城劉昭注史記靳歙別下平陽者也東郡燕亦有平陽亭劉昭注左

傳衛侯飲孔悝酒於平陽者也若並泰山郡之東平陽見於前漢志者計之以之得名者凡五舊志於鄉侯列有鍾繇杜襲司馬幹於亭侯列有孟達司馬駿其平陽亭明在東郡其鄉則當為鄴下之城然證以諸人之姓望里居或不盡合而河東之郡縣最古列入猶可也至樂平武鄉皆始置於晉大利始置於隋武進西都久廢於漢而並書其鄉亭侯則太疎矣志樂平鄉侯王朗樂平侯董昭明武鄉亭侯傅叔大利亭侯孫禮武進亭侯魯芝考水經注濡水經大利亭合於易水地在容城雲中諸縣漢未屬新興陘嶺以北並為棄地西河郡之西都平郡治於郡國志皆廢省已久而涼州別有西都郡西平郡明元郭皇后西平人故追封其父滿為西都侯也又陳留國有高陽亭亦見郡國志然鄉亭之名同者必衆不能一一核實也聞喜志甚辨並錄之

右三國魏

晉因魏制王國以郡有太原西河樂平代諸國宗室如輔及
瓌都晉陽斌都茲氏延祚與代王演宴皆未就國者也而演
嗣子廓徙中都爲縣王其後托跋猗盧封代公盡有陘北地
爲異姓王

晉書地理志太原國秦置統縣十三晉陽侯國相西河國
漢置統縣四離石隰城中陽介休樂平郡秦始中置統縣
五沾上艾壽陽輟陽樂平代郡秦置統縣四代廣昌平舒
當城 魏書地形志樂平郡後漢獻帝置

汾州府志水地圖注曰水經原公水出茲氏縣西羊頭
山鄴道元注云縣故秦置也魏黃初二年西河恭王司
馬子盛廟碑文云西河舊處山林漢末擾攘百姓失所
魏興更開疆宇分割太原四縣以爲邦邑其郡帶山側

塞矣王以咸甯四年改命爵土其年十二月喪國臣大
農閭崇離石令宗羣等二百三十四人刊石立碑以述
勳德碑北廟基尙存也今案晉書西河繆王斌字子政
魏中郃武帝受禪封陳王三年改封西河咸甯四年薨
子隱立謚字與水經注微異武帝紀秦始元年十二月
丁卯封皇叔父斌爲陳王咸甯三年八月癸亥徙陳王
斌爲西河王四年十二月乙未西河王斌薨而碑文稱
咸甯四年改命爵土豈其就徙封之國在四年不復推
本言之歟水經注以碑繫之魏黃初二年莫識其故元
和志云魏黃初二年乃於漢茲氏置西河郡然則黃初
二年實魏置西河郡之始廟碑必有記置郡所起者或
碑文殘闕上存黃初二字道元未深察遂以碑繫於是

年非也

案四庫本作魏黃初二年分太原復置西河郡晉徙封陳王斌於西河故縣有西河穆王司馬

子政廟蘇枝云近刻脫分太原至故縣有凡二十字又穆說作恭政說作盛

自黃初二年下

至晉咸甯四年凡五十八年又二百七年為北魏太和

八年西河郡始治茲氏城吉甫因水經注西河王廟碑

在茲氏又繫之魏黃初遂以為是時即置郡茲氏亦非

也司馬斌葬茲氏故有廟碑在此其國仍都離石晉書

地理志西河領縣四首離石蓋魏晉相承皆因漢永和

三年以來郡治之舊碑文言其郡帶山側塞宜為離石

而非茲氏甚明况碑末稱離石令宗羣等以該三縣魏

晉之西河郡未嘗移治茲氏非單文孤證矣

全祖望曰西河本漢郡建安之亂空荒其土黃初復立

而割太原之地以隸之攷晉志太原郡統縣十三皆漢

之舊所少者介休茲氏慮虜三縣碑云分割四縣蓋破
三爲四也晉志西河郡統縣四離石隰城中陽介休其
三縣又皆是漢西河郡故縣名蓋以此三縣之名加之
茲氏慮虜之地耳

謹案西河郡之隰城中陽二縣本皆濱河曹魏徙置
於太原茲氏而割介休同屬西河又改茲氏爲隰城
是西河郡所領四縣原屬之縣雖有三而實只離石
一縣其割太原之縣雖只二而并分置之地計之則
三縣其郡治所在雖無確據而以水經注文義證之
終以元和志言治茲氏城爲近是考離石卽今永甯
州治距此三縣均在百五十里外孤處萬山中隔五
部戴氏初據水經注脫謫之本必辨爲郡治已與碑

文所云舊處山林更開疆宇者不合縣名先書或沿舊制地志中此類頗多不能執一而論也至分割四縣渾舉見制而全氏創破三爲四之說乃並太原舊屬之慮虜數入不知其地爲今五臺在太原極北境距汾州四百七十里越國鄙遠尤昧於地理矣

公國則王渾之京陵溫羨之大陵薛興之安邑皆漢魏舊縣祖納之晉昌則當時分定襄所置也

侯國則李憇之祁伏滔之聞喜張華劉琨之廣武李矩之平陽亦漢魏舊縣劉興之定襄則漢末省定襄郡合爲一縣以屬新興郡者卽今縣也

謹案今之定襄乃漢陽曲縣地漢末建安時始移陽曲於太原界而於故地置定襄縣隸新興郡晉又分

此縣置晉昌縣亦屬新興郡惠帝并改新興郡名晉昌郡領縣五日九原曰雲中曰廣牧而晉昌定襄二縣仍並列焉是則舊志稱晉改定襄縣爲晉昌縣者非其情實矣觀劉慶孫祖士言之並封二縣則知二縣之皆存初非一縣之遞改也

鄉亭侯賈模之平陽鄉司馬陸安之平陽亭亦因魏舊王莽之楊鄉宜在洪洞傅暢之武鄉亭今縣所治之南亭川也

太平記遼州榆社縣本漢涅氏縣地晉於今縣西北三十里置武鄉縣又成勝軍武鄉縣石氏分上黨涅沾二縣置武鄉郡縣屬焉後魏太和十五年自古涅城移郡於武鄉郡之南亭川

謹案晉置武鄉縣在今榆社其南亭當卽傅暢所封

之武鄉亭也以在當時郡縣之南故謂之南亭記移
郡疑移縣之訛其古涅城亦似有誤說詳府州廳縣
考

若東晉所封王嶠之九原公丁潭之永安公與拓跋氏表封
之定襄廣武雲中樓煩諸侯皆虛封也自晉以後見於譜者
名號大抵相同不復考及

魏書衛操傳劉淵石勒之亂勸桓帝匡助晉氏東瀛公司
馬騰聞而善之表封定襄侯又操所與宗親入國者有范
班折衝將軍廣武亭侯桓帝所表授者也又衛雄姬澹與
操俱入國桓帝之赴難也表列其勳效雄遷至左將軍雲
中侯澹至信義將軍樓煩侯

謹案晉書地理志於襄陵臨汾汾陰並注云公國晉

陽注云侯國而列傳公侯之封可見者無此四縣猶
漢表侯者三十餘人而志僅駉爲侯國皆由作史者
失於檢照也

十六國之在山西境者漢劉淵初都離石之左國城在今永
甯州繼遷蒲子在今隰州卒乃定都於平陽仍臨汾河西之
故城也

太平記石州兩漢爲西河郡地有南單于庭卽左國城前
趙記曰今離石左國城單于所徙庭是也晉惠帝以劉元
海爲離石都尉故元海起事於此案卽今永甯州新東關

北二隰州隰川縣本狄蒲子縣至晉不攻十六國春秋曰

劉元海僭號稱漢初理於蒲子後徙平陽故城在縣東北

一里晉書載記永嘉元年元海進據河東晉州臨汾縣劉

山海經卷三十一
元海城晉永嘉之亂元海僭稱漢於此置都築平陽城
舊通志金城臨汾縣西南二十里晉永嘉末劉淵築此
爲陶唐金城都之今名金唐村北魏志有龍子城當卽
此

後趙石勒初封上黨以爲本國

晉書載記劉聰署勒使持節散騎常侍都督冀幽并營四
州雜夷征討諸軍事冀州牧進封本國上黨郡公邑五萬
戶開府幽州東夷校尉如故太興二年勒卽趙王位令記
室佐明楷程璣撰上黨國記

謹案勒本上黨武鄉人故稱上黨爲本國而分上黨
置武鄉郡封內皆置內史又徙并州治上黨其後又
罷州以部司監之然自稱趙王僭尊號皆在襄國未

嘗反居故鄉寔字記遼州榆社縣晉於縣西北三十
五里置武鄉縣屬上黨郡前趙石勒卽此邑人於縣
置武鄉郡又云縣城卽故武鄉也石勒時築前趙錄
曰勒僭號還令曰武鄉吾之豐沛其復之三葉案此
則武鄉郡縣皆在榆社非今之武鄉也

秦苻丕嗣位於晉陽因留都焉

晉書載記苻堅長庶子也僭號二年亡

詳前譜及
大事記

西燕慕容永都長子在今縣或云在長治縣南

太平記潞州長子縣慕容永僭號於此稱西燕爲慕容垂
所滅

長治縣志後魏長子城今名故城村在縣南十六里水
經注陶水南出陶鄉北流經長子城東西轉逕其城北

準其地望卽今故城村水經注記長子城三惟此不稱爲故以北魏之縣實治其地道元舉時制而言也

謹案寰宇記五龍山在上黨縣東南二十里慕容永時有五龍見於此山路安府志慕容永墓在城內西南營又城西南五里有村名長子門見於縣志竊疑西燕所都之長子當卽長治之故城五龍山在都城南而長子門卽當時之北門也魏書慕容傳稱永奔北門爲垂所獲數而戮之則西南營之墓去其死所亦不遠而永以太元十九年滅至二十一年垂亦死并州地悉入於魏故仍故城爲縣無所改徙皆情事之可推而知者也

右西晉及十六國

後魏起朔漠始祖拓跋力微南徙定襄都盛樂在今和林格爾廳北猗徂居參合陂在今甯遠廳東猗盧受晉封代王乃立兩都北都仍居盛樂南都平城則今大同也

謹案盛樂故城在今和林格爾廳北二十三里名土城子參合城卽今甯遠廳治參合陂在廳東漢雁門郡沃陽縣之鹽澤疆陰縣之諸聞澤也又有參合陁在廳西北五十里和林格爾廳東八十里俗名西溝門石匣子並詳府州廳縣考歸綏道下

猗徂子賀得徙都東木根山在甯遠廳北或稱勿根山孫翳槐復都盛樂至什翼傀卽代王位於繁峙亦徙都焉而別築新城於其南亦曰雲中

方輿紀要東木根山在大同府北志云五原有木根山此

山在河東故曰東木根山晉太甯二年代王賀儔徙居之
魏主宏嘗言遠祖世居北荒平文皇帝始居東木根山平
文鬱律謚也蓋鬱律亦都此云或謂爲勿根山晉太元十
四年後燕慕容德等擊代叛部賀訥追至勿根山是也

謹案顧氏說非也鬱律乃賀儔子先立甚得衆心桓
帝猗叡后恐不利於其子乃害之而立賀儔人情未
順始徙都木根山明明創築之城非因舊也夫害其
人據其位避其臣民之不順者萬無反就其故城之
理也又况鬱律紀曾無一字及木根山乎魏主宏言
其遠祖容有隱約不的之辭不得便以爲確據也若
其山則歸綏境內無可證實當在察哈爾牧廠間矣
又案魏書序紀烈帝築新盛樂城於故城東南居之

昭成帝三年移都於雲中之盛樂宮四年築盛樂城於故城南八里水經注引魏土地記曰雲中城東八里有盛樂城今雲中郡治一名石盧城又曰雲中宮在雲中縣故城東四十里所言雲中縣爲漢雲中卽趙武靈所築之城自秦以來爲郡者也所言雲中郡爲漢定襄乃什翼犍所築之城道武置郡其後爲鎮又爲朔州改雲州者也其適中四十里之雲中宮亦稱雲中太室爲道武原廟所在亦或登國中所遷之雲中也盛樂本漢定襄郡治東漢郡徙始屬雲中北魏置郡遂名雲中史家便文時而從古則曰定襄盛樂時而從今則曰雲中盛樂猶諸帝皆葬金陵魏書雲中金陵盛樂金陵亦無定辭也然盛樂城亦實

有三力微始居定襄故城翳槐築新城於故城東南

十里至什翼犍又別築城於故城南十里今之上下

二土城當為其遺基上土城在廳北十八里其北五

城北與水經注白渠水西北逕成樂城北魏土地記成樂城今雲中郡合故知為什翼犍所都魏之

先世本為行國諸帝莫都從無世居大概有所營建

即謂之城亦謂之宮昭成即位於繁時之北亦即道

武皇始元年所幸之繁時宮也什翼犍時為質於石

往襄國迎立之故甫喻歷歲即其地當在應州東北

踐位而道武亦自中山來幸也

一統志云在渾源州與水經注不合水經注崞川水

口北流逕繁時故城西崞川水今之源道武帝始改代為魏天興元年自雲中遷平城為代都亦曰

代京歷明元太武文成獻文孝文皆都之今之大同府其司

州代尹治也視故都爲偏東云

方輿紀要道武帝自盛樂徙都平城謂之代都置代尹始營宮室建宗廟立社稷東至代都西及善無南極陰館北盡參合皆爲畿內城邑考今城東五里無憂坡上有平城外郭南北宛然相傳後魏時故址舊志魏築平城外郭周三十二里又廣西宮外垣周二十里是也

謹案水經注如渾水下記代都略云如渾水迤北宮又南分爲二水一水西出南入苑中迤平城西郭又至平城故縣南又南出郊郭一水南迤白登山西服虔云白登臺名也去平城七里今平城東十七里有臺卽白登臺也又南迤平城縣故城東司州代尹治皇都洛陽以爲恆州其水自北苑南出歷京城云云

考魏書帝紀皇始三年起鹿苑北距長城東包白登屬之西山廣輪數十里鑿渠引水注之苑中鹿苑卽注之北苑也注引魏土地記平城西二十里爲武州塞口今本訛二爲三又云平城東十七里有白登臺與今府治形勢略符而宮城則稍西遼之西京約與相近若唐置雲州則全在其西郭故襄宇記雲中縣云火山在縣西五里白登山在縣東三十里而魏之故都當時稱爲東城遼史太祖與李克用會於東城卽注所謂司州代尹治遷洛後以爲恆州者也

道武以秀容川封爾朱氏爲世業有今甯武府全境爲北秀容孝文賜爵梁郡公其後遂居南秀容則今嵐縣也

謹案高祖賜爾朱代勒爵梁郡公襄宇記在鄆陽北

二十里蓋謨據爾朱榮傳稱梁郡守嵐之南山則地在嵐州不在朔州也羽健故封傳稱環所居割地三百里記云秀容川東北接恆州南接肆州西限大河北接朔州則確爲今之甯武嵐靜地蓋其初封在偏甯開故稱嵐州爲南秀容後居新興又以今忻州爲南秀容而嵐州爲北秀容矣詳見府州廳縣考

同歡於魏末建大丞相府於晉陽居之以爲霸業北齊置尙書省謂之并省建大明城卽晉陽宮城也又分晉陽置太原卽東城也諸帝歲幸皆卽位於此爲別都

北史本紀東魏永熙元年齊神武以晉陽四塞乃建大丞相府而定居焉元和志府城故老傳晉并州刺史劉琨築今案城高四丈周迴二十七里城中又有三城其一曰

大明城卽古晉陽城也高齊於此置大明宮因名大明城
姚最序行記晉陽宮西南有小城內有殿號大明宮卽此
也城高四丈周迴四里又一城南面因大明城西面連倉
城北面因州城東魏孝靜帝於此置晉陽宮隋更名新城
又太原縣本晉陽縣地高齊河清四年自今州城中移縣
於汾水東 隋書地理志太原山川重複實一都之會本
後齊別都人物殷阜

右後魏及北齊

唐高祖起義太原故明皇置爲北都又改爲北京後仍爲北
都而蒲州亦嘗置爲中都云

元和志太原府天授元年置北都神龍元年依舊爲并州
大都督府開元十一年元宗行幸此州以王業所興又建

北都改并州為太原府立起義堂碑以紀其事天寶元年

改北都為北京今太原有三城府及晉陽縣在西城太原

縣在東城汾水貫中城南流案方輿紀要武后長壽元年

與改文水為武興同時又云唐書至德初命李光弼為北

都留守史蓋因舊稱書之非是時又改京為都也實應初

始復曰又開元元年五月改蒲州為河中府仍置中都麗

正殿學士韓覃上疏陳其不可六月詔復停為州乾元三

年又改為河中府大厯中元載為相又上建中都議不省

其藩鎮世守者則劉悟徙昭義軍節度有今潞澤二府遼沁

二州及直隸之順德地凡三世據潞州

唐書藩鎮傳澤潞傳三世而滅有州五 又劉悟殺李師

道拜義成節度使穆宗立徙昭義軍方輿紀要注先是至

日澤潞節度大厯十卒贈太尉表其子從諫嗣昭義自悟

時治邢州而人思上黨從諫還泊潞悟苛擾從諫寬厚故
下益附文宗待遇加等見事柄不一遂心輕朝廷有驕色
因與朝廷猜貳武宗立兼太子太師從子稹從諫以爲嗣
從諫死諸將請如河朔故事詔敕稹護喪還東都稹不奉
詔有詔奪從諫稹官敕諸軍進討於是河陽王茂元河東
劉沔魏博何宏敬成德王元逵河中陳夷行討之稹乞降
帝怒詔敢言罷兵者戮賊境上大將郭誼與王協議使董
可武誘稹至北第斬首悉取從諫子在襁褓者二十餘并
從子積匡周等殺之誅張谷等十一族夷之函稹首獻京
師告廟社帝御興安門受之稹初不意帝怒卽見討及茂
元錄詔示稹舉族號慟欲自歸而愚懦不決云自悟至稹

三世凡二十六年

王重榮亦據河中三世有今平陽蒲二府及解釋二州

唐書王重榮傳重榮并州祁人父縱太和末爲河中騎將
重榮以父任爲列校與兄重盈皆以武毅冠軍摧河中牙
將更擢右署多權詐衆所嚴憚雖主師莫不下之稍遷行
軍司馬黃巢陷長安分兵略蒲節度使李都乃臣賊內憚
重榮表以自副賊謂取橫敵使者百輩坐傳舍益發兵吏
不堪命重榮協說都曰我所讒謀紆難以外援未至今賊
又收吾兵則亡無日矣請絕橋嬰城自守都曰吾寡謀不
足絕之禍且至願以節假公遂奔重榮乃悉驅出賊使斬
之遂主留後賊使朱溫黃勣合攻重榮重榮感勵士衆大
敗之賊棄糧仗四十餘艘卽拜檢校工部尙書爲節度使
選兵攻溫溫懼遂舉同州降重榮表爲同華節度使賜名

全忠巢怒甚將精兵數萬壁梁田重榮攻之賊大敗執其將趙璋巢中流矢走乃與李克用連和平巢復京師以功檢校太尉同中書門下平章事封瑯琊郡王加太傅神策軍潰天子走鳳翔襄王煜僭位重榮斬煜長安復平部將常行儒引兵夜攻府重榮出詰且殺之推立重盈重盈入殺行儒軍復安昭宗立進太傅兼中書令封瑯琊郡王父子兄弟相繼帥守重盈死軍中以其兄子珂繼重榮推爲留後琪與弟瑤爭河中珂急請婚於李克用克用薦之天子許嗣鎮克用以女妻之全忠怨珂謂其將張存敬曰珂恃太原侮慢我爾持一繩縛之珂乞師太原不能進全忠至自洛全忠王出也始事重榮約爲舅甥德其全言據山月曰我得志凡氏王者皆事之至是忘誓言過重榮幾傳

哭而祭珂出迎握手泣下居旬日舉珂室徙於汴後遣人賊之於華州自重榮傳珂凡二十年

案河中國為蒲州而李茂貞等三鎮攻珂時克用拔

絳州斬王瑤以救珂據知其有絳州矣朱全忠遣張

存敬攻珂由含山襲絳州晉州皆降以何稠戍之晉

州今平陽府據知其有平陽矣平陽絳既皆在管內

則解州可知矣况爾時解未設州本屬河中耶設於

後漢乾祐元年本係王氏地大如此故能降朱温平

制河中府三縣所立黃巢若能矢忠不移因何至於滅乎

李克用封晉王都太原其子莊宗嗣王稱帝亦皆於此及滅

梁徙都汴而太原仍為西京又為北都

五代史記本紀唐乾甯元年昭宗慰勞克用拜忠正平難

功臣封晉王 又天祐五年正月存勳卽位於太原 又同光元年四月卽帝位改元國號唐以太原爲西京十月滅梁都汴太原復爲北都

石晉受命亦在太原仍置留守以爲北京

五代史記晉高祖本紀天福元年十一月築壇於晉陽城

南卽皇帝位案石晉無置北京明文而出帝有北京留守劉知遠進百頭穹廬之文則太原仍爲北京

可知矣

劉漢太原旣爲故里又龍興之地故仍置北京

五代史記漢高祖本紀開運四年二月卽皇帝位於太原

五月甲午以太原尹劉崇爲北京留守丙申如東京

北漢遙承兄緒傳國三世有十州之地仍都太原

十國春秋北漢世祖本紀崇遣牙將李晉奉書於周太祖

景子贊歸太原知贊不得歸始有自立意乾祐四年二月
 戊寅卽位於晉陽仍用乾祐年號所有者并汾忻代嵐憲
 隆沁遼麟石諸州之地吳氏任臣案通鑑則崇所有者并
 隆之地歐史職方考則云白太原以北十州為東漢而無
 隆二州之名要而論之野高祖割山前七州山後九州以
 界契丹而蘇州實在其中則通鑑以蔚州為北漢有者
 也隆州乃北漢所置詳載地理表中今列其名以補歐史
 闕之

右唐及五代

遼以雲州為西京金因之並在今大同府

遼史地理志西京大同府重熙十三年升城周二十里東
 門曰迎春南曰朝陽西曰定西北曰拱極元魏宮垣占城
 之北面雙闕尙在焉 金史地理志大同府西京留守司
 大定五年名其門南曰奉天東曰宣仁西曰阜成

金末建九公府以保河朔皆有封地在山西者三雖軍旅崎

嶇居無定所事宜附見郭文振晉陽公有今太原甯武遼州

及壽陽樂平二縣胡天作平陽公有今平陽懷二屬及絳州

屬之垣曲絳二縣完顏開上黨公有今潞澤二府及沁州屬

金史郭文振傳興定元年招降太原東山二百餘村得壯

士七千人奏秋高直取太原河東可復詔許之又詔升樂

平縣為泉州壽陽縣西張樂為晉州從文振之請也是歲

封晉陽公河東北路皆隸焉胡天作傳或作天祥興定四年

封平陽公以平陽晉安府隰州隸焉天作請以晉安府之

翼城縣為翼州以垣曲絳縣隸之置平水縣於汾水西朝

廷皆從之案本傳天作誅死後宣宗以同知平陽府事

張開傳賜姓完顏氏興定三年充潞州招撫使林州元帥

府十月以權昭義軍節度使權元帥左都監與郭文振共
復太原四年封上黨公

謹案金代封建之事發於貞祐四年右司諫朮甲直
敦其時尙未甚急而直敦卽請以封建保河朔可謂
先見矣尙書省碩寢其議至興定三年太原不守河
東州縣不能自立詔百官議之乃復參用移剌光祖
石抹穆完顏伯嘉之議而封九公焉惜乎知之已晚
而亦未盡得其人故卒不能保河朔也晉地歸三人
轄惟平定歸恆山府云

元太祖長子朮赤別食平陽封次子茶合台別食太原封其
後諸王居太原者有阿只吉平陽諸王有圍襄陵及潞州者
舊通志朮赤大王太祖長子太宗八年撥平陽四萬一

千三百二戶十年增正定晉州一萬戶至元五年始給

之元史尤赤國初以親王分封西北其地極遠去京師

數萬里驛騎急行二百餘日方達京師以故其地郡

邑風俗皆莫得而詳其位下曹縣平陽晉州永州分

地歲賦中統鈔二千四百錠自至元乙卯歲始給之

合台大王太祖次子太宗八年撥太原四萬七千三百

三十戶十年增正定深州一萬戶延祐六年實有一萬

七千二百一十一戶絲六千八百三十八斤元史成宗

年平陽民訴諸王小薛曲列失伯部橫恣遺官鞠之大

德元年以諸王阿只吉駐太原民困於供億詔詰問之

長治縣志府學有宋潞州學田記石刻云至元二十

八年藩王小薛分牧上黨學田籍牧閭守吏以白王王

召學正程世文下教書與之
麻革襄陵修學記天朝開國裂土以建同姓震宮得河
東道仍割州之吉邑之襄陵潞城界嗣王治襄陵得年

德茂者八何赤統其事八何赤譯言為人師者元史元

都太宗時率皇子征西番有功定宗崩三歲無君眾未知所立拔都獨推戴憲宗諸王大臣共議乃定

謹案元史簡略亦赤僅其子拔都一人附見其封國

及平陽分地猶約言之察合台則並太原封地不詳

矣考太宗八年丙申置平陽經籍所麻革嘗與編集

記則作於甲寅為憲宗四年所言即此十數年中事

特未知嗣王為即拔都抑其弟行子姪也舊志及史

但載其食戶及歲賜之數為世祖以後之制其就封

則無明文如記所云誠有裨掌故矣

餘若順甯王阿沙不花食邑天城趙王不魯納食邑德甯又

嵐管臨三州並居諸王功臣塔察兒以雲中郡公世鎮聞喜

亦皆實封也

元史列傳阿沙不花康里國王族也入侍世祖世祖賜土田給奴隸使居興和之天城 塔察兒博爾忽從孫也太宗伐金從師授行省兵馬都元帥下河東諸州郡

元史本紀天歷二年嵐管臨三州所居諸王八刺馬忽都火者等部曲乘亂爲寇遣宗正府官往督有司捕治之至順二年趙王不魯納食邑沙靜德甯等處蒙古部民饑命河東宣慰發倉振之

聞喜縣志塔察兒墓在東鎮西峪神道碑爲李尤魯辨撰題曰元昭毅大將軍雲中郡公謚襄懋忽神公之墓又東鎮八撒兒遺愛碑張希良撰皆稱塔察兒統兵駐聞喜東鎮子孫襲居其會孫名伯里閣不華史只言其下河東拔河中屯河上不知其世鎮聞喜且併其雲中

郡公之封襄懋之謚皆略而不書舊志既誤以為名忽
忽又譌懋為茂舊通志則曰雲中侯茂忽神不知忽神
者其氏史作許慎兀氏又作旭申氏今國語解作學順
氏八撒兒者萬戶府名國語解作巴咱爾則其世襲統
軍之職也原案云錢大昕元史氏族表載塔察兒子二
人孫四其封平陽郡公侯者二人一密察
兒一即伯里閣不花即謹襄懋不知錢氏誤以祖蓋生
至正五年立恐即伯里閣不花之碑耳

謹案元史稱國初所下州縣皆以分賜功臣今可考
者僅此數事又食貨志載有勳臣撥戶云塔丑萬戶
定宗二年撥平陽一千一百戶伯八千戶憲宗七年
撥太原一千一百戶塔察兒官人太宗八年撥平陽
二百戶猱虎官人憲宗七年撥平陽一千戶按察兒

官人定宗二年撥太原五百戶按攤官人中統元年
平陽戶七百五十一黃兀兒塔海太宗八年撥平陽
一百四十四戶按札兒拓跋氏太宗七年賜平陽戶
六百一十有四驛戶三十獵戶四以其中搭察兒例
之子孫必皆有分縣世食租稅而自開喜志外無一
詳者矣

明太祖建藩諸子皆令就國構封晉王都太原桂封代王都
大同模封瀋王都路安

其以支庶分封者晉藩二十五王別城者二代藩二十五王
別城者十藩藩二十六王皆居路

明史諸王表晉恭王子慶成王永和王別城汾州代簡王
子山陰王襄垣王別城蒲州靈邱王別城絳州宣甯王隱

川王別城澤州又隱王子定安王別城忻州感王子樂昌

王別城朔州

已詳前

右遼金元明

山西通志卷五十二

古蹟考四

考四之四

山西通志第五十三

賜進士出身頭品頂戴兵部侍郎兼都察院右副都御史巡撫山西提督軍務張煦奉旨監修

城邑

上古至周初 春秋晉 戰國趙魏韓

神農城亦曰穀關在長子高平縣界之羊頭山

太平記潞州長子縣神農城後魏風土記在羊頭山山下有神農泉卽神農得嘉穀之所山在縣東五十六里又澤州高平縣羊頭山在縣北三十五里山海經云神農嘗五穀之所 地形志長子縣羊頭山北有穀關卽神農得嘉穀處

謹案太平記上黨縣下引郡國記云羊頭山有神農城山下神農泉南帶太行又有緞蓋山卽神農嘗穀

之所今繖蓋山在長子高平縣界惟羊頭毘連長治
 去縣八十里為最遠也鄭世子載墳羊頭山新記考
 之甚詳記畧云神農廟在西北屬高平縣豐溢鄉
殿之東北屬長治縣八諫鄉施莊里故俗說云前
滴高平後簷滴長子謂此也殿西稍北二十步有小
坪周八十步西北接連大坪周四百六十步上
有古城遺址謂之神農城城內舊有廟今廢
 穀城在隰州皆世傳神農嘗穀之所也

路史隰州有穀城非姬姓穀

舊通志州東北四十里九域志神農嘗五穀於此合桑
 村別有嘗穀臺故址

蚩尤城在安邑縣南

太平記在縣南一十八里管子記曰雍孤之山出金蚩尤
 愛之以為劍戟史記曰黃帝與蚩尤戰於涿鹿之野孔子

三朝記云蚩尤庶人之貪者而有喜怒故惡名歸之其城
今摧毀

舊通志蚩尤城鹽池東南二里黃帝經序黃帝殺蚩尤

其血化爲鹵今之解池是也

案此說與宋政和中關帝
驟風雨翳蚩尤復河東鹽

同出於道家而
尤附會不經

禮城堯釐降二女處也在平陽府

太平記晉州臨汾縣禮城堯妻舜二女之地

臨漳城堯築在襄垣縣

地形志襄垣有臨川城 九域志威勝軍之臨漳城周處

風土記堯築

堯城因堯山而名或以爲堯都也在永濟縣南

水經注雷首山俗謂之堯山上有故城世又曰堯城闕廟

日蒲坂堯都 元和志蒲州河東縣故堯城在縣南二十
八里

陶城舜陶河濱處也在永濟縣北

水經注河水又南逕陶城西舜陶河濱皇甫士安以為定
陶不在此也然陶城在蒲坂城北即舜所都也南去厯山
不遠或耕或陶所在則可何必定陶方得為陶也舜之陶
也斯或一焉孟津有陶河之稱蓋從此始之 太平記蒲
州河東縣故陶城在縣北三十里史記謂舜陶河濱即此
也

澠澤故城因舜迹為名在陽城縣西

墨子斃舉舜於澠澤之陽 穆天子傳天子四日休於澠
澤 淮南子舜釣於河濱澠澤 水經注沁水又南與澠

澤水合水出澠澤城西墨子曰舜漁澠澤應劭曰澤在縣西北又東逕澠澤縣故城蓋以澤氏縣也竹書紀年梁惠成王十九年晉取元武澠澤者也

舊通志故城在陽城縣西三十里通典澤州因澠澤爲名卽澠澤城漢縣唐初澤州治

鳴條舜卒之地在安邑縣北

後漢書郡國志河東郡安邑注帝王世紀曰縣西有鳴條

陌太平記在縣北二十里

楊紆禹故迹也疑卽古楊國地在洪洞縣

周禮職方氏河內冀州其澤藪曰楊紆 淮南子禹爲水

以身解於陽盱之河注解禱也陽盱在秦

謹案淮南所言之陽盱卽周官楊紆之同聲字詳其

文義當爲地名周官注所在未聞高誘據本書以爲在秦與爾雅之秦有楊陁皆記載之異終以職方屬冀州者爲得其實向疑漢志河東有楊縣鉅鹿有楊氏縣當由楊紆得名而楊氏之甯晉泊爲近似及讀淮南此文乃悟實在洪洞蓋禹治水先自帝都書旣修太原至於岳陽岳陽爲霍山以南地正汾流出山之始而楊其首衝也身解於河乃形其治汾之事耳淮南多見古籍語必有本不徒霍楊通言以左傳證周官爲足據也

大陰卽顛輪也蓋后啓享神之地在平陸縣北

太平御覽歸藏曰昔夏后啟筮享神於大陵而上鈞臺枚占臬陶曰不吉 路史筮享大陰之上是爲鈞臺之享

謹案左傳冀爲不道入自顛輪杜注河北大陽縣東
北有顛輪坂玉篇釋陰爲險坂集韻顛陰坂名通作
輪知此大陰爲卽顛輪也御覽譌陰爲陵長源所據
本獨不誤而小羅復注作大陵大陵在今文水已遠
不相及乃又以享神爲卽釣臺之享而注釣臺在陽
翟愈勢亂不可究詰矣元和志顛輪今謂之輪橋平
陸縣志輪橋村在縣東北六十里蓋去夏縣之故禹
城七十里而遠也

聆隄夏邑也焦門亦曰巢門並在平陸縣界

國語內史過曰夏之亡也回祿信於聆隄韋注聆音琴地
名 竹書紀年獲桀於焦門放之於南巢 呂氏春秋登
自鳴條遂入巢門 淮南子困之鳴條禽之焦門

謹案太公六韜築時有瞿山之地築十月鑿山陵通之於河紀年云築二十九年冬鑿山穿陵以通於河三十年瞿山崩冬聆隧災竊疑其地仍卽顛輪蓋聆譌爲陵又書爲聆聆隧輪橋或皆以鑿山得名也水出東西絕澗左右幽空窮深地壑中則又案焦門築以成道指南北之路謂之爲輪橋也卽巢門之同音巢門亦南巢之省音也舊志在夏縣淮南子又云湯敗桀於厯山與末喜同舟浮江奔南巢之山國語以爲巢湖括地志巢湖在廬州巢縣夫戎放昏德不應仍置之舊都則謂在巢湖者是也今夏縣西三十里之放桀臺常與下王村之酒池皆出附會然焦在陝州三門在平陸又戰國策吳起謂魏武侯曰夏桀之國左天門之險是皆可爲焦門之證

然則焦門巢門自有特非桀所放耳

隔河曲地或以為條山之別名湯伐桀道出此在永濟縣南

書序伊尹相湯伐桀升自隔遂與桀戰於鳴條之野作湯

誓 太平記蒲州河東縣本漢蒲坂縣春秋秦晉戰於河

曲即其地也歷山在縣南三十里有隔山之名湯伐桀升

自隔注隔在河曲之南也路史梁都安邑湯都亳亳居安

又不出其西南河曲之地其去亳與安邑也遠矣湯之致伐

乃不從東徑橋安邑從下反上至於隔而反下乃趨鳴條

何也此仁人之師也夫師必兼行而倍道今也不然而反

迂道遠偷以出於隔蓋將以示桀衆而使之知備焉耳以

故桀得出于戰於鳴條之野事可明也嗟夫伐人之國又

有仁焉於升隔見之矣而不義而襲人乎應順天人之義有

桀之不意仁人之師顧出且既日出其不意而故反倍

道而緩期其不然必矣

殷湯古城今榮河縣治也

括地志汾陰故城俗名殷湯城 太平記蒲州寶鼎縣漢
為汾陰縣後漢至晉不改劉元海省入蒲坂縣後魏太和
十一年復置汾陰縣於后土城周武帝又移於殷湯古城

案此則古城即今縣括地志以漢汾陰故城當之非辨詳府州廳縣考

武軍城疑即武王塢在潞城縣蓋周初戡黎之師所次也

魏書地形志襄垣郡川陵有武軍城 元和志潞州潞城

縣武王塢在縣西北四十里有後魏天柱大將軍爾朱榮

碑文曰東討逆賊葛榮軍次上黨武王祠東原上

潞城縣志武軍城似亦因武王得名蓋為西伯時戡黎

所至者上黨記潞縣東八十里有黎侯城書傳黎近王

圻之諸侯在上黨東北正義曰黎國漢之上黨郡壺關

所治黎亭是也紂都朝歌王圻千里黎在朝歌西故為

近王圻之諸侯也今考黎侯城在黎城縣東十八里南去微子城六十餘里黎亭在長治縣南三十里北去微子城八十餘里未知孰爲商之黎國唯史記以伐黎爲文王事後儒多辨爲武王以此塢名城名及武王祠證之當是孟津觀兵之先聲

右上古至周初

春秋晉地名之可見者條或云卽鳴條也

左傳桓公二年晉穆侯之夫人姜氏以條之役生太子

謹案杜注云條晉地而不能實指其處竊以安邑之鳴條得名已久湯放桀卽在此久爲戰地矣恐穆侯之戰亦斯地也

千畝在岳陽縣北

國語宣王三十九年戰於千畝王師敗績于姜氏之戎

左傳桓公二年其弟以千畝之戰生杜注西河界休縣南
有地名千畝 史記正義括地志曰千畝原在晉州岳陽

縣北九十里

謹案岳陽北卽介休南傳注括地二說實一地也隋
以前縣上未分置縣介休固兼有今沁源境矣

共池在平陸縣西

春秋地理考實桓十年傳虞公出奔共池杜注地名闕彙
纂今平陸縣西有共池志云虞公出奔地去縣四十里與
讓畔城相近

涇庭在曲沃縣北

左傳桓公二年晉哀侯侵涇庭之田涇庭南鄙啟曲沃伐

翼 太平記絳州曲沃縣陘庭故城在縣西北左傳曲沃武公伐翼次於陘庭

舊志曲沃縣東北十里庭城村是也方言誘聽城

汾隰亦曲沃地也

左傳桓公三年逐翼侯于汾隰杜注汾隰汾水邊 太平記曲沃縣汾水西南去縣二十二里

案汾隰注未言何縣地以時勢揆之卽在今曲沃縣也爾時晉裂爲翼沃二國皆不能遠過平陽蝸角之戰不出百里故曲沃縣八景有曰汾隰流雲八景雖不足據要汾隰固不謬矣戰國策秦攻韓圍陘史記韓世家秦拔我鄆城汾旁正義曰陘故城在絳州曲沃縣西北汾水之旁白起傳作邢邱者誤也是鄆城

即陘庭汾旁亦即汾西矣

屈即北屈吉州地或云屈產泉也在石樓縣垂棘曲沃地或云山名也在鳳臺縣

左僖元年傳晉荀息請以屈產之乘與垂棘之璧假道於虞以伐虢杜注屈地產馬垂棘出美玉故以為名 太平記隰州石樓縣屈產泉在縣東南四里相傳昔有白馬飲此泉生得龍駒春秋曰獻公以屈產之乘假道於虞以伐虢蓋此地生良馬也

舊通志屈家溝在鄉甯縣北四十里即古所稱產良馬

地 曲沃縣志棘壁村在縣東二十里古垂棘地

州司馬敗蠶靈桂於趙席垂棘知歸蘇類授裴君士詹事制地稱垂棘之寶自古壁稱棘壁村名因之因金主亮求璧於滄水縣官掘岸洶河無所得不勝其苦改村名吉以亂之故晉釋詁云絳州帖垂棘壁苦徵求皆成

鳳臺縣志垂棘山東距縣三十五里相傳垂棘之
壁產此間百詩四書釋地云垂棘又見成五年傳杜但
注云晉地按晉地別無以垂棘名者路史云夏桀始遷
於垂注謂天門在澤之晉城太行之上戰國策桀居天
井卽天門也博物志曰縣南地名卽垂以今地望考之
爲古垂棘無疑

謹案水經注土軍縣有龍泉出城東南道左山下牧
馬川上多產名駒駿同滇池樂子正屈產泉之說實
本此劉昭注郡國志於高都引國策及博物志證垂
爲天井關鳳臺志遂有垂棘山之名夫獻公時蒲屈
皆爲晉疆石樓在蒲子北百六十里不應復有屈名
東山旣伐以後太行徑通垂宜在晉境然以爲垂棘

別無可證其山名亦從未見於方志至曲沃志以吉壁為棘壁又造故事鄉諺以實之轉不若舊志直以

屈家溝為古屈之鹵莽也又赤棘兩見於傳成元年魯威孫許及晉侯盟於赤棘

棘十二年楚公子罷如晉及晉侯盟於赤棘此必近國都之邑故國君屢出同於在國也若成六年垂棘

之盟則當是鄭伯來朝晉使趙同逐於境而就盟者而天井關為鄭入晉必由之途則謂其地在澤不為無見

為地名非止以泉稱也石樓明以前並屬隰州

采桑亦曰鬻桑在吉州

左傳僖公八年晉敗狄于采桑杜注平陽北屈縣西南有

采桑津 方輿紀要在吉州西大河津濟處也史記謂之

鬻桑晉世家獻公二十五年晉伐翟翟以重耳故亦擊晉

於鬻桑水經注河水又南為采桑津又南經北屈故城西

案水經河水又南過河東北屈縣西注云河水又南羊求

水入焉水出羊求川西迤北屈縣故城南西流注於河

北屈故城西南不得先津後城也

謹案史記索隱引裴氏集解云今平陽北屈縣西南

七十里今本脫北屈縣三字又說西為曲河水有采

桑津是晉境服虔云狄地亦頗相近然字作醫桑醫

桑衛地恐非也考北屈故城在今吉州北二十一里

魏晉皆治此若今州則北魏所置之定陽郡無復北

屈之名矣裴云去故城七十里與今州西之蝦蟇渡

為近今州西至采桑醫桑記載錯出無足致疑且津

渡之名多緣邑聚而起而不必即邑聚所在亦或本

有異稱也

葵邱在榮河縣北

春秋僖公九年夏公會宰周公齊侯宋子衛侯鄭伯許男

曹伯于葵邱杜注陳留外黃縣東有葵邱

謹案春秋有兩葵邱莊八年傳齊襄使連稱管至父所成之葵邱杜云齊地臨淄縣西有地名葵邱是也若此會諸侯之葵邱杜云陳留外黃則不敢信竊謂桓之此會名攘翟而實服晉也故當在晉地請設五證以明之國語敘此事云齊桓公西征攘白翟之地至於西河方舟設泚乘桴濟河蓋西河卽禹貢之龍門西河自禹貢言之則帝都之西自國語言之則晉都之西且白翟固在晉西境一也小顏注武帝紀之睢上以爲本名郟而音轉爲雎且引漢舊儀睢上作葵上可知水經注之郟邱卽葵邱今爲榮河實在晉境西河之上二也齊桓尊周攘夷衣裳之會已八次

而晉獻恃其險遠未嘗一赴齊盟此次若非深入國境晉獻何以惶懼赴會三也宰孔之歸也遇晉侯而告之曰齊侯北伐山戎南伐楚西爲此會也明此會地爲天下之西晉非西境而何四也宰孔之至會本爲賜胙兼會諸侯故國語載桓公反胙於絳嶽濱諸侯莫不來服使賜胙在陳留何得反胙在絳也五也凡此五者有一不足證葵邱之會之在晉境乎讀春秋者試詳參之

韓原亦曰宗邱卽故韓國也

左僖十年傳敝於韓杜注韓晉地 十五年傳戰於韓原又不利行師敗於宗邱杜注邱猶邑也

謹案邑有先君之宗廟爲宗邑杜以宗邑釋宗邱者

據世本韓萬以桓叔少子食采於韓也蓋桓叔之族莊伯而下嗣爲諸侯而萬以莊伯弟爲大宗得立桓叔廟於其封邑故與曲沃並稱爲宗也然如杜說則凡邑有宗廟皆可以宗邱名之並非韓原之別稱考汲冢書帝少康卽位夏邑十八年遷於原帝杼卽位居原五年自原遷於老邱竊疑少康所遷之原當卽韓原帝杼所遷之老邱亦卽宗邱也其地不出今安邑夏縣要皆可爲韓在河東之證也餘已詳國都篇解梁城亦曰解城在臨晉縣東南

左僖十五年傳內及解梁城杜注今河東解縣也元和志蒲州臨晉縣故解城本春秋晉解梁城又爲漢解縣城也在縣東南十八里

舊通志按渤海別枝也泉水所歸也解東有鹽池當
黃河曲處有奧衍一區天產瑞花舊名海眼柳州所謂
神液陰澆孕靈富媪資天下與海分功者此也或曰解
以蚩尤體解名或曰州治古有迎薰閣鹽池內傳有舜
彈琴處蓋取解阜之意自三門既鑿水退多澤梁故舊
稱解梁後魏分南北解皆非今治隋大業九年乃徙治
於此後漢書河南尹有大解城注云左傳昭二十三年
師次於解杜預曰縣西南有大解小解此不可以論河
東也

謹案郡國志河東郡解有解城是兩漢之縣非復春
秋之城又傳曰解梁似是兩邑並舉而自來地志皆
統於解亦未覈也辨詳前考至河東鹽池東濱安邑

西傍猗氏自後魏置南解唐因有解池之稱不知今之州在兩漢自爲猗氏地也以字義釋地名百無一是舊志所舉三說業禹莢者習稱之實則與昔之解梁全無涉也

高粱之虛卽高粱故城也又爲祁氏食邑仍在平陽

左僖十五年傳明年其死於高粱之虛杜注平陽楊氏縣西南二十四年傳使殺懷公於高粱杜注高粱在平陽楊縣西南又九年傳齊侯以諸侯之師伐晉及高粱而還杜注在平陽縣西南 呂氏春秋開春篇高誘注祁奚晉大夫高粱伯之子祁黃羊也

謹案水經注城有二一爲高粱城一則汾水所逕之高梁故城也地道記云去楊縣五十里叔向築竹膏

元年云知伯瑤築未知卽此虛抑爲其東二十五里
潞水所逕之城也然謂在楊縣西南五十里則與此
故城爲合楊乃今洪洞而此城已割隸臨汾俗名高
河鎮亦曰高河橋北齊時周伐齊取晉州後主與馮
淑妃奔高梁橋卽此是也元凱於二十四年注甚的
若九年之注則遺一楊字十五年之注又衍一氏字
遂使學者眩惑不定不知楊氏乃今直隸之甯晉與
此異也昭二十八年傳亦稱楊氏而史志則皆作楊北魏地形志平陽縣
有高梁城蓋彼時已割出於楊矣若河北圖平陽東
北三十七里之城則或齊桓公西伐所至亦未可知
也祁奚父亦不知何名高誘注稱高梁伯必有所據
書闕有聞矣

陰呂甥所兼食邑也疑在虞鄉縣呂則今霍川也

左僖公十五年晉陰飴甥會秦伯盟於王城杜注卽呂甥也食采於陰故曰陰飴甥 太平記晉州霍山縣呂坂在縣西南十里古今地名記曰永安有呂鄉晉大夫呂甥之邑也呂州取名於此又方山一名雷首山在芮城縣西北二十七里按地理志云河中府有地方名陰注云方山在其南卽此

謹案此陰或以靈石之陰地關當之恐非也陰地左傳尙兩見一宣二年晉趙盾救焦遂自陰地及諸侯之師侵鄭杜云陰地晉河南山北自上洛以東至陸渾蓋以河北山南謂之陽則陰自當爲河南山北矣二哀六年齊國夏伐晉取八邑有陰人杜只云晉地

然八邑皆直隸真定順德及潞安地則非此陰也寰
宇記所引地理志河中府有地方名陰諸不甚了以
方山在南求之當在今虞鄉縣而傳又稱呂甥爲瑕
呂飴甥是並食瑕邑晉地道記猗氏縣東北有瑕城
京相璠謂在解縣西南五里則爲今臨晉縣境正與
虞鄉之陰地隔涑水相對然則所兼食之陰必爲此
地無疑也文七年令狐之役趙盾禦秦師及董陰杜
注晉地雖未明指所在要去令狐不遠則
河中地固有名陰者寰
宇記非單文孤證矣

狐廚在鄉甯縣東昆都平陽城南地也

左僖十六年傳狄侵晉取狐廚受鐸涉汾及昆都因晉敗
也杜注晉三邑也平陽臨汾縣西北有狐谷亭 水經注
平水東逕狐谷亭北又東逕平陽城南 方輿紀要今府

南有昆都聚

謹案舊謂狐谷亭在鄉甯據水經注則當在今臨汾襄陵界平水固不至鄉甯也又魏綺稱廚武子亦曰令狐武子亦曰呂武子是則狐廚又似令狐與廚兩稱者以呂言之鄉甯唐設呂香縣本因舊呂鄉之名則狐廚又當在鄉甯也受鐸無考昆都既涉汾似亦襄陵太平閒地蓋杜注之臨汾非今臨汾乃今太平也狐谷今名豁都豁在鄉甯襄陵二縣界豁都卽狐廚之轉音也呂香故縣在鄉甯縣東八十里

令狐廬柳並在猗氏縣桑泉曰襄並在臨晉縣郇卽古郇國也

左僖二十四年傳濟河圍令狐入桑泉取曰襄杜注桑泉在河東解縣西又解縣東南有曰城又晉師軍於廬柳秦

伯使公子繫入晉師師退軍於郟杜注解縣西北有郟城
方輿紀要猗氏縣北有盧柳城秦送重耳入晉圍令狐晉
軍盧柳卽是城也 又臨晉縣東北十五里文王庶子所
封郟國詩所謂郟伯勞之者也後并於晉服虔曰郟在解
縣東酈道元曰今解故城東北二十四里有郟城在猗氏
故城西北杜預曰解縣西北有郟城寰宇記云在今猗氏
縣西南四里似皆有誤

舊通志猗氏縣西十二里令狐村一名令狐戍左傳文
公七年晉敗秦於令狐至於剗首闕駟曰令狐卽猗氏
剗首在西三十里縣南對澤卽猗頓故居括地志令狐
城在猗氏縣界十五里通典有古令狐城左傳云晉文
公從秦返國濟河圍令狐卽此通考同 桑泉在臨晉

縣東北十三里杜預注在解縣西北魏志南解縣有桑泉城舊唐志隋分猗氏置桑泉縣縣志東北十五里今亭東村南小蓋原卽其處其下爲泉子溝若隋桑泉縣治卽北解古城非此桑泉也杜預注解縣東南有曰城後漢書解有曰城博物記曰曰季邑 辨證今猗氏城非郇伯故城也故城在今縣治南十八里猗故址不可考然酈注瑕城在故解城東北二十四里猗氏故城西北俗名郇城郭爲觀據此以辨且謂北解在今臨晉城東城西兩村之間南解在卿頭村去郇城西南二十里按郇城在猗氏縣南二十里隋大業九年廢與郇伯故城似屬兩地左傳郇瑕每分舉而諸大夫皆曰必居郇瑕氏之地則連及之揆其里道疑亦不相遠也猗氏故

城應在郇城東南郭爲觀謂應在解安之交乃今解非古解也但杜釋地云今解西北有郇城又曰猗氏縣東北有郇城服虔曰郇國在解縣東解東解西二說不符意晉時解之東境所轄甚廣東西二字第據一境而言耳晉志注解謂有鹽池今池東西共一百二十里地形可據至服虔所云在解縣東則無論南北解皆屬東境此無可疑者卿頭去城東城西兩村約二十五里城東城西在今涑水北卿頭在涑水南古今狐在今猗氏之西北隅春秋桑泉故城在今臨晉東北隅後漢解有桑泉城杜注在縣西二十里後魏南解有桑泉城疑皆在臨晉而西魏改猗氏曰桑泉隋桑泉有三嶷山則又兼界今之臨猗二邑矣曰城後漢亦屬解晉文公取臼衰

卽此據杜預注在縣東南是謂在解縣東南也應屬今虞鄉

謹案楚辭注周文王夢立令狐之津太公在後帝曰昌賜汝名師此似不在河東者今春秋文七年林堯叟注以令狐爲秦地竊以秦晉戰地自是河東之令狐文王所夢之令狐津則堯叟以爲秦地可也蓋今猗氏無津而文王得太公在渭水令狐當是渭水之津名也桑泉則今臨晉城內有此泉又案據郭爲觀之說則郇在今猗氏城南十八里俗誤稱爲猗氏城也且顧稱在臨晉東北十五里者乃今臨晉亭東村小蓋堡縣志所謂桑泉也在峨嵋原上去涑水甚遠水經注所謂涑水西逕郇城顯有不合矣此當以郭

氏之言爲準蓋郭是猗氏本縣人得之目驗也

瑕與郇近在臨晉縣南

左僖三十年傳許君焦瑕朝濟而夕設版焉杜注河外五城之二 又文十三年傳晉侯使詹嘉處瑕以守桃林之塞杜注桃林在宏農華陰東潼關 又成六年傳晉人謀去故絳諸大夫皆曰必居郇瑕氏之地杜注郇瑕古國名河東解縣西北有郇城

日知錄晉有二瑕其一左傳成公六年諸大夫皆曰必居郇瑕氏之地杜氏曰郇瑕古國名水經注又西南逕瑕城

京相璠曰今河東解縣西南五里有故瑕城是也原注杜以郇瑕爲一地鄭在今之臨晉縣境其一僖公三十年燭之武見秦伯曰許君焦瑕朝濟而夕設版焉解焦瑕晉河外五城

之二邑文公十二年晉人秦人戰於河曲秦師夜遁復侵
入瑕注以河曲爲河東蒲坂縣南則瑕必在河外十三年
晉侯使詹嘉處瑕以守桃林之塞按漢書地理志湖故曰
胡武帝建元年更名湖水經河水又東逕湖縣故城北酈
氏注云晉書地道記太康記並言胡縣漢武帝改作湖其
北有林焉名曰桃林古瑕胡二字通用禮記引詩心乎愛
矣瑕不謂矣鄭氏注云瑕之言胡也瑕胡音同故記用其
字是瑕轉爲胡又改爲湖而瑕邑卽桃林之塞也原注書
於
桃林之野注
云在華山東今爲閩鄉縣治而成公十三年伐秦成肅公
卒於瑕亦此地也道元以郇瑕之瑕爲詹嘉之邑誤矣原注
左傳有三瑕而郇瑕不與焉桓公六年軍於瑕以待之注
隨地成公十六年楚師遠及瑕注瑕楚地昭公二十四年
王子朝之師攻瑕及杏
皆遺注瑕杏傲王邑僖公十五年晉侯賂秦伯以河外

列城五東盡滅略南及華山正義曰自華山之東盡號之

東界其間有五城也傳稱焦瑕蓋是其二原注水經注伏

紀年幽王七年號人滅焦成公元年晉侯使瑕嘉平戎於王瑕嘉即詹

嘉以邑為氏信公十五年瑕呂餒甥當亦同此原注竹書

十九年晉獻公滅虢命瑕父呂甥邑于魏都而解以瑕呂

為姓恐非

謹案汪氏師韓謂解縣西南故瑕城實為晉之瑕所

謂內及解梁城瑕正是解梁間一邑也焦在河外燭

之武于河外舉焦內舉瑕以二邑該其餘亦臨文省

便之法顧氏謂晉有二瑕以焦瑕為河外五城之二

是忘內及解梁城一句矣求河外之瑕不可得謂瑕

有胡音以湖縣當之謬矣如韓所言則呂甥詹嘉所

氏之瑕皆當在河東然詹嘉處瑕終以顧說為正

清即清原在稷山縣南

左僖三十一年晉蒐於清杜注河東聞喜縣北清原也

太平記絳州稷山縣清原城冀州圖云在縣西二十里晉

文公蒐於此作三軍以禦狄案清原又見成十七年傳稷

杜注清原在聞喜北則當云縣南二十里縣西則

皮氏地矣傳云作五軍此云三軍誤同水經注

王官在夏縣或云今虞鄉地

左文三年傳秦伯伐晉濟河焚舟取王官及郊晉人不出

杜注王官如晉地 方輿紀要王官城在臨晉城南城冢

記云在虞鄉南二里文三年取王官成十三年晉侯使呂

相絕秦有云俘我王官水經注涑水西逕王官城城在南

原土人謂為王城志云王官谷以王官廢壘為名即此城

也宋水經注南原乃開喜南原今夏縣也所云王城卽禹王城王官谷乃縣南王峪也

舊通志虞鄉縣東十里卽王官故壘左傳文公三年秦伯伐晉濟河焚舟取王官杜預注王官晉地 又曲沃縣西南二里明一統志晉景公謀去故絳徙都新田卽此又臨晉縣東南有王官城左傳秦伯伐晉濟河焚舟取王官是也

謹案方輿紀要言王官城有二臨晉虞鄉各一而所證之王官則夏縣也舊志則又加曲沃一城是有四城其實尙未盡也史記秦本紀正義引括地志云蒲州南二里有王官故城此則河東已有五矣晉世家注又引括地志云同州澄城縣西北六十里復有一王官城正義并且曲爲之說曰秦取王官卽此先言

渡河者史文顛倒耳是張氏先二三其說而無定見
矣竊謂濟河焚舟而後取王官傳文本自明畫何得
強斷爲文之倒也澄城者去之太遠不必辨曲沃者
又入之太深直至絳郊矣又何必重言及郊乎故謂
郊亦是邑名者誤也如是邑名史記何以又作郭耶
明明取王官而兵至郊郭猶言烽火達於甘泉耳杜
注如晉地亦明以郊在晉都王官爲師行之所經舊
志引注直云晉地刪卻如字疎矣

茅津城在平陸縣南

左文三年傳遂自茅津濟封殺尸而還杜注茅津在河東
大陽縣西 水經注河水逕陝縣故城南河北對茅城故
茅亭茅戎邑也公羊曰晉敗之大陽者也

董亭在太平縣

左文六年傳晉蒐於夷陽處父至自溫改蒐於董杜注夷
晉地河東汾陰縣有董亭

謹案後漢郡國志謂臨汾縣有董亭杜注作汾陰誤
夷地不知何在傳有夷羊五想即食采於此者

郭即邵亭也在垣曲縣東

左文六年傳賈季亦使召公子樂於陳趙孟使殺諸郭杜
注郭晉地

舊志即垣曲之舊城也漢志亦云垣有邵亭博物記縣

東九十里有郭邵之阨隋志後魏置邵郡周置邵州隋

大業初廢案後魏及周之州郡雖名為邵實乃郡國志

物志東九十里是也今為山西借穀汛之
處雖非晉境故當徵及謂即垣曲舊城殊混

剝首在臨晉縣

左文七年傳敗秦師于令狐至于剝首 十三州志令狐

即猗氏剝首在西三十里 太平記蒲州猗氏縣令狐城

在縣西十五里又有剝首梁在令狐城西三十里 案今縣西二十

里即臨晉縣界

羈馬在永濟縣南

左文十二年傳秦伯伐晉取羈馬杜注晉地 方輿紀要

羈馬城在蒲州南三十六里亦呂相所云翦我羈馬者也

即今涉邱

黃父亦曰黑壤在沁水縣

左文十七年傳晉侯蒐於黃父杜注一名黑壤晉地 太

平記澤州沁水縣黑嶺山在縣西五十里周宇文諱黑攻

為嶺春秋後語魯成公十七年晉侯蒐於黑壤杜氏注

黑壤晉地在絳之東案宣七年經公會晉侯宋公衛侯鄭伯曹伯於黑壤傳云盟於黃父又云

黑壤之盟故杜注黃父即黑壤此徑作蒐於黑壤誤為嶺今作郭嶺在翼城東北水西

曲梁在潞城縣

左宣十五年傳六月癸卯晉荀林父帥師敗赤狄于曲梁

辛亥滅潞杜注今廣平之曲梁縣 上黨記潞濁漳也縣

城臨潞晉荀林父伐曲梁在城西十里今名石梁案今縣北三十

五里有石梁村

稷在稷山縣南

左宣十五年傳晉侯泊兵于稷杜注河東聞喜縣西有稷

山 郡國志聞喜邑有稷山亭注縣西五十里 元和志絳州稷

山縣本漢聞喜縣地稷山在縣南五十五里

輔氏在榮河縣西

左宣十五年魏顥敗秦於輔氏杜注晉地 十六國春秋前秦錄苻堅永興二年如河東祀后土自臨晉登龍門至韓原觀晉魏顥鬼結草抗秦軍之處

謹案輔氏杜注不詳所在據前秦錄則魏顥戰處實在韓原括地志韓原在同州韓城縣西南十八里十六國春秋云魏顥夢父結草抗秦將杜回亦在韓原是也又襄十年傳秦晉戰櫟稱濟自輔氏是其邑本濱河爲陝之韓城亦無疑蓋當景公時少梁久爲晉有秦軍未渡河已爲顥所敗也然錄中記堅所遊覽又親至河東祀后土矣其龍門臨晉韓原秦晉兩地均有其稱亦難決其必在河西且顥食采合狐外

所謂令狐文子也其家本在今之猗氏臨晉間偏師
制勝雖膺專閫之寄抑亦所以衛桑梓也姑繫其地
於榮河以縣西北距韓城得三十里輔氏之渡其東
岸當為縣地矣春秋地理考實云故城在朝邑縣西北十三里距韓城太遠存以備參
銅鞮在沁州南

左成九年傳鄭伯如晉晉人討其貳於楚也執諸銅鞮

水經注銅鞮水又東逕銅鞮縣故城北城在水南山中晉

大夫羊舌赤銅鞮伯華之邑也案故城在州南四十里說詳府州廳縣考

箕郃舊云太谷及祁縣地也

左成十三年傳入我河縣焚我箕郃杜注晉二邑

舊通志箕城在太谷東三十五里左傳僖公時晉敗狄

于箕杜預注太原陽邑縣南有箕城 又郃城在祁縣

山西通志卷五十三 地理志四 三十一
西南七里宋地理考實云地當近河今蒲縣本漢河東郡蒲子縣地東北有箕城隋初移治此後改蒲縣唐移今治而箕城在縣東北晉人敗狄于箕當在此說本寰宇記殊可据而卻則無考姑依舊志
苦城即鹽城也在安邑縣西

左成十六年傳苦成叔

謹案苦成叔卻犖也或疑成爲謚則非也犖之從父卻缺已謚成子矣犖焉得復謚成考國語趙文子冠一篇有云見苦成叔子乃知苦成是地名蓋與錡之稱駒伯至之稱温季皆以食采之邑爲號爾惟駒舊無考温則河內地今不在山西境而此苦成王符作苦城漢功臣之縣城在今鹽池東北蓋解州地也苦樂城表皆作成字本與楷贖同字史記五帝紀之器不苦窳冬官考工記之辨其苦良亦即荀子勸學篇之間楷告括漢

書息夫躬傳之器用鹽惡實則詩之王事靡盬若曰
王事無苦而已潛夫既云苦城在解知卽鹽城說文
鹽字解曰出鹽直用不練也一說鹽鹽河東大鹽也
左傳固曰郇瑕氏之地沃饒而近鹽而孔氏正義曰
惟解池之鹽獨名爲鹽餘鹽不名鹽也想爾時晉有
國時必置此城以監鹽若後之司鹽城故曰鹽城或
書作苦成耳水經注又曰襄陵有犂氏鄉亭則犂之
別邑矣

瓠邱亦曰陽壺在垣曲縣東

左襄元年傳晉人以宋五大夫在彭城者歸寘諸瓠邱杜
氏注瓠邱晉地河東垣縣東南有瓠邱 水經注清水東
南逕陽壺城東卽垣縣之壺邱亭 方輿紀要陽胡城在

垣曲縣東南二十里近大河亦曰陽壺卽峭谷之北岸春秋時謂之壺邱魏書裴慶孫傳邵郡治陽胡城去軹關二百餘里魏永熙三年與高歡有隙將入關使淵子恭守陽胡蓋以防歡之邀截西魏以邵郡爲重鎮與高歡相持亦卽陽胡矣

霍人卽霍邑或云稜人也在繁峙縣

左襄十年傳以偏陽子歸使周內史選其族嗣納諸霍人杜注霍晉邑疏霍邑謂之霍人猶如晉邑謂之柏人也班固漢書樊噲傳攻霍人是霍人邑名也劉炫霍晉邑人堂邑之大夫 括地志稜人故城在代州繁峙縣界漢稜人縣案樊噲列傳作霍人其音亦同

櫟范氏食邑也在蒲州府

左襄十一年傳秦庶長鮑庶長武伐晉鮑先入晉地武濟
自輔氏與鮑交伐晉戰于櫟杜注櫟晉地 國語文子是
以受郇櫟韋注郇櫟晉二邑也

謹案此櫟地據左傳則在河東據國語則與猗氏之
故郇城近而自來無指實者今考地之以木名者其
地實有是木故彛耕之厯山周處風土記亦作樨山
以山多柞櫟也陸機詩疏秦人謂柞爲櫟河內人謂
木蓼爲櫟其子房生爲楛詳其狀則阜斗也通鑑西
魏大統中高歡圍玉壁宇文泰出軍蒲坂至阜角閉
歡退出軍追之不及胡身之注曰阜角在蒲坂東顧
景范方輿紀要云在臨晉縣南臨晉之南蒲坂之東
正今之虞鄉縣然其地無以阜角名村者茲繫之蒲

州以侯考

熒庭在翼城縣東南

左襄二十三年傳齊侯伐晉入孟門登太行張武軍於熒
庭戍郟邵封少水 太平記絳州翼城縣古熒庭城在縣
東南八十五里春秋齊伐晉張武軍於熒庭杜預注曰張
武軍爲築壁壘熒庭晉地此城蓋齊侯所築也水經注云
紫谷水東出白馬山西逕熒庭城南而西出紫谷與乾河
合卽教水之支川也按此與紫谷相當古熒庭也

舊通志熒庭在翼城縣東南七十五里

大鹵卽太原

春秋昭公元年晉荀吳帥師敗狄于大鹵杜注大鹵太原
晉陽縣 穀梁傳中國曰太原夷狄曰大鹵 公羊傳疏

案古文及夷狄之人皆謂之大鹵而今經與師讀皆謂之太原故難之時公羊子亦讀言太原也

方輿紀要太原故城在今縣治東北古唐國也相傳帝堯始都此又夏禹之初亦嘗都焉左傳帝遷高辛氏子實沈於大夏主參金天氏之裔允格蠶駘以處太原皆此地矣周成王滅唐而封其弟太叔虞虞子燮以唐有晉水改國曰晉亦謂之大鹵春秋昭元年荀吳敗狄於大鹵卽大原也中國曰太原夷狄曰大鹵又謂之大夏齊桓公曰西伐大夏涉流沙亦謂之鄂隱六年晉人逆翼侯於隨納諸鄂謂之鄂侯桓八年又命立哀侯弟緡於晉杜氏曰鄂卽晉也索隱唐侯之後封夏墟而都於鄂亦謂之大夏蓋大夏太原大鹵夏墟晉陽鄂凡六名其實一地都邑記太原舊

城晉并州刺史劉琨築高四丈周二十七里城中又有三城一曰大明城古晉陽城也左氏謂董安于所築城東有汾水南流與城西之晉水匯故史記曰知伯引汾水以灌城春秋後語謂決晉水也高齊於此置大明宮因名大明城其城門曰五龍門齊主緯以周師逼晉陽夜斬五龍門而出欲奔突厥不果唐姚最述行記晉陽宮西南有小城內有殿號大明宮又一城南面因大明城西面連倉城北面因州城東魏靜帝武定三年於此置晉陽宮隋又更名新城又一城東南連新城西北面因州城隋開皇十六年築今名倉城高四丈周八里唐義旗初建高祖使子元吉居守卽斯地矣唐會要舊太原都城左汾右晉潘邱在中長四千三百二十一步廣二千一百二十二步周萬五千

一百五十三步宮城在都城西北卽晉陽宮也隋大業三年北巡還至太原詔營晉陽宮高祖起晉陽故宮仍隋不廢其城周二千五百二十步汾東曰東城貞觀十三年長史李勣所築兩城間曰中城武后築以合東城崔神慶傳武后擢神慶爲并州長史初州隔汾爲東西二城神慶跨水連堞合而一之省防禦兵數千所謂太原三城謂東西中城耳秦顧氏以大夏太原大鹵夏墟晉陽鄂六名爲一地殊鹵莽已別有辨姑備存其說

魏榆涂水並今榆次縣

左昭八年石言于晉魏榆杜注晉地服虔曰魏邑也榆州里名 二十八年傳知徐吾爲涂水大夫杜注太原榆次縣 水經注榆次縣故涂水鄉晉大夫知徐吾之邑春秋昭公八年晉侯築鹿祁之宮有石言晉之魏榆也漢書曰

榆次十三州志以爲涂陽縣矣

舊通志涂陽城在清源城南二十里今名屠賈村

謹案涂陽之名見十三州志卽漢志之涂水鄉也洄
渦河至榆次受大小二涂水經徐溝至清源人汾古
時當統稱爲涂水此在汾東若清源則漢志之梗陽
鄉也雖屬榆次別在汾西故後漢志梗陽又屬晉陽
也舊志強分梗陽爲二謂清源爲梗陽城謂徐溝爲
梗陽鄉以金源之地制定兩漢之疆域已爲不合而
又以汾東之水移之汾西尤鹵莽矣且涂陽爲縣僅
見十三州志別無可徵惟爲酈氏所引當非譌文竊
意徐溝立縣本取魏書地形志陽邑徐水爲名此志
象水誤豫水咸陽水誤樊陽水恐徐亦卽涂之別字

水經注涂水出陽邑東北則謂縣卽古涂陽或不甚
大嫌山涂谷涂或作塗
戾若清源之屠谷遠非涂谷所能混乃旣傳合爲涂
陽矣而復易村名爲屠賈何耶

平陵或以爲大陵也在交城縣

左昭二十八年傳司馬烏爲平陵大夫 方輿紀要大陵
城在文水縣東北二十里卽晉之平陵也趙曰大陸亦曰
大陵史記趙肅侯六年遊大陸至於鹿門又武靈王十六
年遊大陵夢處女鼓瑟而歌劉昫曰大陵卽大陸也漢置
大陵縣晉時爲南單于所居

舊通志大陵城在交城縣西南十里前隸文水後割土
安都易之因隸交城

馬首在壽陽縣東南

山西通志卷五十三 古蹟考四 三
左昭二十八年傳韓固爲馬首大夫 元和志太原府壽陽縣馬首故城在縣東南十五里左傳晉分祁氏之田爲七縣韓固爲馬首大夫卽其地也

孟在陽曲縣東北今大孟鎮也

左昭二十八年傳孟丙爲孟大夫杜注太原孟縣 元和志太原府陽曲縣故孟城漢孟縣也春秋時晉大夫祁氏邑在縣東北八十里

謹案今孟縣乃隋開皇中所置之原仇縣大業中改名者去此故城一百七十里孟縣志及縣人張淑譽並有辨又顧亭林考春秋地名孟者有五其說已並詳沿革左傳所言十縣凡分自祁氏爲今太汾地分自羊舌氏爲今平陽及沁州地惟馬首平陵二縣杜

氏無注方志皆以大陵爲平陵以地形推之實不出漢大陵京陵平陶三縣境故景范氏亦沿其說茲仍之其他已見國都者不復著

壺口在黎城縣東今東陽關也

左哀四年傳齊國夏伐晉取邢在樂鄙逆時陰人孟壺口杜注入邑晉地潞縣東有壺口關元和志潞州黎城縣古壺關在縣東二十五里春秋齊國夏伐晉取八邑有孟口孟口卽壺口也聲相近故有二名

謹案今東陽關亦名吾兒峪吾亦壺與壺關之以名

縣者異地說詳關梁考左傳八邑七爲孟八爲壺口而宏憲竟稱孟口寰宇記亦仍其說皆不可解顧亭林謂此孟邑在邢洛間當是晉潞縣在今潞城東北

四十里北魏改置刈陵在今黎城縣西八里唐黎城仍治刈陵故今關城距縣止十餘里而李云東二十五里杜則云潞縣東各據其時制言也

鵠曲沃近邑在今聞喜縣

詩唐風素衣朱纁從子于鵠毛傳鵠曲沃邑 水經注涑水又西南逕左邑縣故城南故曲沃也秦改爲左邑縣詩所謂從子于鵠者也

聞喜縣志鵠爲曲沃別邑理不得遠曲沃志謂其縣之安鵠村卽爾時之鵠然三代以上地名太荒遠難稽此縣之安鵠村恐是安家村之轉音蓋山西往往尙存古音讀家爲姑而音微短似鵠也如以爲卽可當鵠則聞喜乃古曲沃境內固有劉姑莊矣俗讀作留鵠又有古超亦

近於鵠俗讀作鵠巢豈可因其同聲遂傳合乎總以存疑爲

是

稷桑東山地疑在垣曲縣

國語太子遂行敗狄於稷桑

謹案東山舉落氏水經以爲倚毫城今垣曲之舉落
鎮也又上黨記謂在壺關東山今名無辜皆爲有據
而垣曲之鎮最著稷桑爲戰地當去其國都不遠

柏谷城文公爲公子出亡所經也在吉州

國語公子重耳出亡及柏谷 水經注河水又東合柏谷
水水出宏農縣南北流徑其亭晉公子重耳出亡及柏谷
卜適齊楚狐偃曰不如之翟

謹案今之陝西延安本故翟國也文公自蒲子出亡

其所經歷不出西山鄭道元乃以漢武帝微行之柏
谷當之是當時文公不自吉隰直西渡河反迂道而
南越蒲絳抵潼關有是理乎考北齊書天保十年斛
律光帥騎一萬討周開府曹迴公斬之柏谷城遂取
文侯鎮又殷韶傳武平二年捍禦周師行達西境有
柏谷城者敵之絕險鳴鼓攻之城潰獲儀同薛敬禮
仍城華谷而還是其地故在吉州鄉甯間所謂文侯
鎮卽後來州所治之文城郡所謂華谷則縣南之黃
花峪與稷山界者也文公遺蹟不待他求矣

三室之邑在太平縣

舊通志在古晉城東十里羊舌職好直不容於晉而去
之三室之邑邑人獲羊而遣之職受而埋之墟陰後事

敗吏發而視之舌尚存今名羊舌坊

謹案此語出列女傳蓋子政之書與說苑新序並多
謬誤如此事云羊舌職不知閔公二年申生伐皋落
氏時已有羊舌大夫矣又稱其妻爲羊叔姬不知羊
舌氏乃晉之公族卽姬姓也其妻又烏得爲姬氏耶
若婢妾美人稱姬則漢以後語爾時固無之也要之
此事傳之自古羊舌所由命氏當在春秋初羊舌大
夫之先人而非職事也孔疏謂出於氏族譜杜以記
異聞耳

虞城虢城並在孝義縣

太平記汾州孝義縣虞虢二城相傳晉滅虞虢遷其人於
此築城以居之瓜城在縣北十里本虢城也

舊通志虞城在縣東北十

里號城縣
北入里

相城在安邑縣

舊通志咎繇之後為理氏商末有理證案元和姓孫仲

師遭難去王姓里至晉里克被戮克妻司城氏攜其少

子季友一作季連居安邑相城為相里氏今相鎮猶稱相里

亦曰相城縣志北相鎮在縣北三十里

梁榆城亦曰梁餘即闕與城也在和順縣

水經注梁榆水出梁榆城西大嶸山東北逕梁榆城南即

闕與故城也盧諶征艱賦曰訪梁榆之虛郭弔闕與之舊

都闕駟云闕餘今梁榆城是也 方輿紀要和順縣本春

秋晉大夫梁餘子養食邑也亦名榆城

智城智伯食邑在虞鄉縣

括地志故智城在蒲州虞鄉縣西北四十里古今地名曰解州有智城蓋謂此也

犇氏鄉亭在襄陵縣

水經注汾水又南歷襄陵縣故城西晉大夫卻犇之邑也故其地有犇氏鄉亭矣 方輿紀要卻犇城在縣東南二十里其東面圯於水餘三面尚存或曰即故襄陵城云

平都城在和順縣又有困悶城並趙簡子所築也

元和志儀州平城縣本漢涅氏縣也開皇十六年於趙簡子所立平都故城置平城縣屬遼州 太平記遼州平城

縣因悶城在縣南一十五里舊圖經云趙簡子至此病篤遂築此城由此為名 方輿紀要平城廢縣在遼州西北

七十里即趙平都城也

史記趙世家悼襄王二年秦召春平君因而留之泄鈞謂文信侯曰

不如遣春平君而留平都春平君言行信於王王東魏必厚割趙而贖平都云云正義平都屬新興郡

武定末高洋謀受魏禪自晉陽擁兵而東至平都城卽此

謹案平城今和順縣西九十里之儀城鎮也其南有

困閭川寰宇記趙簡子嘗築困閭城在平城南十五

里平城本卽簡子所築之平都不應十餘里內並築

二城其以病篤困閭爲名亦甚俚恐圖經所言卽是

平都以川名困閭流俗附會而岐爲二城也

平潭城亦簡子所築在平定州

魏書地形志太原郡中都有平潭城方輿紀要平潭城

在平定州西北二十五里相傳趙簡子所築也今爲平潭

驛

謹案元魏中都在今榆次縣東十五里此城與壽陽

城並爲其東北境

三交城在太原府北寶犇所築

一統志宋移并州治於陽曲縣三交寨在縣東北五十里

案明統志作五里

方輿紀要府北五十里相傳晉大夫寶犇犢

所築城也舊有三交驛路通忻州宋長編河東有地名三交契丹所保多由此入寇太平興國中詔潘美屯三交口潛師拔之美積粟屯兵寇不敢犯又雍熙三年賀懷浦將兵屯三交卽此城也

陽曲縣志三交城在縣西北十里

謹案城卽今十里鋪本名三交寨宋初平北漢徙陽曲縣於此而徙并州於榆次縣後三年乃移州於唐明鎮卽今府治也而縣治如故其地本南北要衝故

潘美楊業皆嘗爲三交都部署宋史名三交口亦曰
三交泊也一統志云在府北五十里據今太原縣舊
府而言而宛陵顧氏誤以爲今府北五十里反以明
志去城五里爲謬陸游老學菴筆記敘太原移治事
頗詳而與唐明鎮混爲一地又謂其地本故軍不知
潘美所屯之固軍乃在其西北三百里也

趙襄子城在祁縣一爲襄垣故城

元和志在縣西六里又襄垣縣趙襄子所築因以爲名
三角城在太原縣北亦襄子所築也

魏書地形志太原郡長安縣有三角城 元和志在晉陽
縣西北十九里一名徙人城

舊通志三角城縣西北二十里義井村名徙人城趙襄

子所築以處刑徒內置卻敵外安龍尾爲三面故名三角城址猶存

右春秋晉

三家分晉其地屬趙氏者平邑在陽高縣南

水經注灤水又東逕平邑縣故城南趙獻侯十三年城平邑地理志屬代王莽所謂平胡也十三州志曰城在高柳南百八十里北俗謂之醜寅城方輿紀要平邑城在靈邱縣西北戰國趙獻侯十三年城平邑漢置縣屬代郡王莽曰平胡後漢初廢永元八年復置十三州志平湖城在高柳南百八十里卽平邑矣或曰非也水經注代郡道人縣有淵潭而不流俗謂之平湖戰國趙王遷五年代地震自樂徐以北至平陰平陰當在平湖之北也

謹案桑乾河自大同之古家坡折而東流爲漢班氏
縣地又東行陽高天鎮之南川凡一百二十里至天
鎮之小鹽場入直隸西甯縣境爲漢東安陽縣地漢
代郡治高柳卽今之陽高去河至遠無過百里平邑
城旣在河北安得有百八十里之遠鄭注百字當是
衍文平邑之西爲班氏十三州志謂在郡西南百里
所請郡卽高柳也平邑之東爲道人地理風俗
記云道人城北五十里有參合郡參台爲救水所經
近今陽高之白登堡則十三州志道人城在高柳東
北入十里者明是講東南爲東北夫此兩縣與平邑
同在桑乾河北去高柳均不出百里故知此百八十
里字必平湖據注金城北有淵潭而不流其水自在
有講也道人平邑兩縣開則謂平湖卽平胡未爲不可惟澤
水距靈邱絕遠中隔渾源廣靈而顧氏謂平邑故城
在靈邱西北則昧於地理矣一統志在陽高西南是

也

石阿城卽烏門關也在隰州東北一百里

史記趙世家成侯十一年秦攻魏趙救之攻石阿正義曰蓋在石隰等州界也方輿紀要石阿城在隰州北百里
舊通志石口一名烏門關元致和九年烏門關穿塞壘
石卽古石阿也

中陽或云西陽中都或云西都並屬汾州

史記趙世家武靈王十年秦取我西都及中陽秦本紀惠文王後九年伐取趙中都西陽六國表同秦紀正義曰括地志西陽卽中陽也在汾州隰城縣東十里中都故縣在汾州平

遙縣西南十二里卽西都

汾州府志是時秦趙相攻秦在河西趙在河東秦雖越

河擊趙之藺離石中陽西都然旋得旋失趙守險以禦
 秦全恃此其距秦拔榆次晉陽尚隔七十餘年則趙之
 中陽即漢中陽縣為濱河邊邑可知元和郡縣圖志於
 孝義縣下云魏移西河郡中陽於今理永嘉後省入隰
 城是漢中陽與魏晉實兩地漢書地理志中都屬太原
 郡中陽西都屬西河郡不得潤而一之案中郡中陽已
 詳國都茲著其
 謂異之由略舉戴說蓋四縣之名西陽既無地可實而
 西都亦恐是河西地戰國河西為魏上郡非趙有也
 雲中城武靈王所築也在今托克托廳東

括地志雲中故城在勝州榆林縣東北四十里

謹案唐勝州治榆林縣在今托克托廳西五里黃河
 西岸其雲中古城則龍朔三年所置之雲中都護府
 尋東徙於故定襄城此後皆不置郡縣寰宇記引冀

州圖云雲中城周十六里北去陰山八十里南去通
漠長城百里以此文及水經注白渠荒干二水證之
故城當在廳東四十里官地營五十家子諸村間說
詳府州廳縣考歸綏道下

九原城在今烏拉特旗黃河北岸

史記趙世家武靈王二十六年擴地北至雲中九原 水
經注河水又東逕九原縣故城南秦始皇置九原郡治此
漢武帝元朔二年更名五原也王莽之獲降郡成平縣矣
西北接對一城蓋五原縣之故城也王莽之填河亭也竹
書紀年魏襄王十七年邯鄲命吏大夫奴遷於九原又命
將軍大夫適子戍吏皆絡服矣其城南面長河北背連山
秦始皇逐匈奴並河以東屬之陰山築亭障爲河上塞徐

廣史記音義曰陰山在五原北卽此山也

謹案史記匈奴傳正義引括地志勝州連谷縣本秦九原郡又云漢五原郡在北假中北假地名在河北今屬勝州銀城縣特據唐初地制而言所言連谷銀城皆爲今榆林府地謂當時九原爲所統則可謂卽在州屬諸縣不可也又隋之五原在河套西亦非秦漢之舊惟水經注爲最核地在套北爲今薩拉齊廳兼轄故及之

原陽城在歸化城廳東武靈王之騎邑也

方輿紀要在大同府西北境故趙邑也戰國策趙武靈王破原陽以爲騎邑卽此漢爲原陽縣屬雲中郡後漢末廢水經注芒干水出陰山南經武舉縣又南逕原陽故城西

是也案故城在歸化城東南九十里詳府州廳縣考

光狼城在高平縣西

史記秦紀昭襄王二十一年白起攻趙拔光狼城正義曰

括地志光狼故城在澤州高平縣西方輿紀要在縣西

南二十五里今其地名秦趙村舊通志縣西二十里今名強營村

長平城在高平縣北有省窺谷秦院趙卒處也又有關城及

都向二城

水經注長平水出長平縣西北小山東南逕其縣故城注

氏之長平亭也史記曰秦使左庶長王齕攻韓取上黨上

黨民走趙趙軍長平使廉頗為將後遣馬服君之子趙括

代之秦密使武安君白起攻之括四十萬眾降起起阬之

於此太平記澤州高平縣省窺谷東西南北各六十步

在縣西北二十五里秦壘西面百步卽趙括被殺餘衆四十萬降白起之處也起懼趙變盡阬之露骸千步積血三尺地名殺谷唐開元十年明皇行幸親祭改省冤谷又關城在縣北三十五里秦立關於此又秦趙二壁對起相距數里趙括白起相攻之所冀州圖云都向二城在今縣西三十五里秦據西城趙守東城秦阬趙卒在此

延陵城在天鎮縣北

史記趙世家孝成十八年延陵鈞率師從相國信平君助魏攻燕徐廣曰代郡有延陵縣

天鎮縣志延陵故城一統志在縣北案當卽新平堡水經注延鄉水出西山東逕延陵縣故城北又東逕羅亭又東逕馬城又東注修水以今水道核之延鄉水卽今

新平堡北之西洋河也修水卽于延水今東洋河也並
東至懷安縣柴溝堡合流堡近漢之馬城十三州志馬城在高柳東
百四十里高柳卽今陽高縣其道里亦相符則羅亭當在天鎮懷安界而新
平之爲古延陵縣無疑矣路史謂延陵有五一在代一
在綏一在丹徒皆非季子之居一在金陵然亦非古古
延陵在今常州之晉陵案公羊傳札退居延陵終身左
傳延州來季子注季札始封延陵後復封州來故曰延
州來此延陵之始見於經者今江陰縣西之馬鞍山是
也漢書地理志代郡秦置有延陵縣此延陵之始見於
史者今延鄉水所逕縣北之新平堡是也史記延陵鈞
徐廣注在代郡元和姓纂吳王子季札居延陵因氏焉
趙襄子有謀臣延陵生是其後也此延陵則在晉而不

在吳蓋越滅吳後其族北徙時襄子方定代地因處之於代北遂稱所居爲延陵其先以地爲氏其後以氏名地觀左傳襄子於越圍吳時猶通使夫差倦念舊盟皆事蹟之可推而知者然則若生若鈞固句吳之王孫亦趙氏之世臣而實胙土於是邦者也至路史所舉殺及丹徒之延陵其得名在秦漢後年代懸隔明非古地而遼史地理志又以今廣靈爲延陵則直未讀水經注而鑿空爲說矣

狼孟城在陽曲縣東北

史記秦本紀莊襄王三年蒙驁攻趙榆次新城狼孟取三十七城始皇十五年大興兵一軍至太原取狼孟 太平記太原府陽曲縣狼孟故城在縣東北三十六里史記曰

始皇十五年大興兵至太原取狼孟是也漢以爲縣屬太原郡晉末省接城左右狹澗幽深南面大壑謂之狼馬澗舊斷澗爲城今餘壁猶存方輿紀要狼孟城在太原府北七十里俗名黃頭寨括地志在故陽曲城東北二十六里案當依元和志作三十六里

謹案寰宇記語本元和志及水經注道元所謂陽曲城者乃陽曲護軍治卽今陽曲灣也吉甫所謂陽曲縣者乃唐初移治之木井城亦在陽曲灣故去狼孟城只三十六里若宋時陽曲則新爲府州治樂史敘并州旣云皇朝太平興國四年平晉移州於三交寨陽曲縣界陽曲縣下亦云皇朝爲郭下縣則狼孟故城當云在縣東北七十里或六十里

宋時陽曲治西郭外在三交寨

金天會中始移治城內而仍襲舊文則疎矣

新城在朔州甯武府界

括地志新城一名小平城在朔州鄆陽縣西南四十七里
謹案寰宇記北齊天保六年於今州南四十七里新
城置朔州其地在今甯武府之陽方口外本後魏武
州吐京郡所領之新城縣也以爲小平城非辨詳府
州廳縣考惟秦紀以新城與榆次狼孟並舉不當遠
至朔甯然太原三十七城西北直抵今之偏甯河保
自漢武置西河郡而濱河之縣率皆割隸非復秦趙
之舊矣

蒲鶩城在屯留縣南

方輿紀要純留故城在縣東南十里蒲鶩城一作蒲鶩其

地在故城南亦趙邑也始皇八年將軍壁死李屯留蒲鶮
反卽此

馬邑城在沁水縣東

太平記城置在山上縣東二十里白起與趙括相戰於長
平之時築此城養馬其處峻險南臨小澗北拒大川

陽邑城咸陽城蘿蘿城副井城並在太谷縣又有秦城或云
卽咸陽城也

水經注涂水出陽邑東北大嶷山涂谷西南逕蘿蘿亭與
蔣谷水合水自蔣溪西北流西逕箕城春秋釋地曰城在
陽邑南水北卽陽邑縣故城也竹書紀年梁惠成王九年
與邯鄲榆次陽邑者也王莽之繁穰矣 太平記并州太
谷縣陽邑故城在縣東一十五里咸陽故城在縣西南十

里秦伐趙築以咸陽兵戍之因名蘿蔭城俗名落漠城在
縣西北一十九里 方輿紀要秦城在太谷縣界唐廣明
元年河東官軍擊沙陀於太谷至秦城戰不利或曰咸陽
城今尙名咸陽村疑卽秦城矣

舊通志陽邑故縣治也晉大夫陽處父食邑今名王班
堡周建德四年徙今治隋改名太谷城址微存洛漠城
周八里城家記秦王翦伐趙所築副井城縣西南七里
周二里相傳趙戍地

武城在介休縣東

舊通志縣東四十五里秦白起駐兵於此

謹案史記趙世家幽繆王二年秦取我武城年表作
收我平陽當是平陽之近邑其地則不能指實矣

武安城屯城並在長子縣

舊通志胥白起屯兵所北曰武安南曰屯城距長平百餘里 又陽城縣東北三十五里亦有南北二城又沁水縣武安村志並稱爲白起駐兵處

廉城在稷山縣東北

舊通志縣東北十里廉城村趙將廉頗戍地村東南有練兵臺

其魏氏所屬之襄陵今爲縣

史記魏世家文侯三十五年齊伐取我襄陵惠王十九年諸侯圍我襄陵 水經注汾水又南歷襄陵縣故城西晉大夫卻犇之邑也故其地有犇氏鄉亭矣西北有晉襄公陵縣蓋卽陵以命氏也王莽更名幹昌矣 太平記襄陵

故城冀州圖云郡東南三十二里卽故襄陵城也 方輿

紀要舊城在縣東二十五里縣本治此水經襄陵在平陽

東南是也案水經無此語當云冀州圖唐移治於汾水西宿水店宋天

聖初徙治今縣

安邑在今夏縣王垣卽垣曲也

史記魏世家武侯二年城安邑王垣正義安邑在絳州夏

縣安邑故城是徐廣曰垣縣有王屋山故曰王垣 太平

記古安邑城在夏縣西北一十五里 括地志故垣城漢

縣治本魏王垣也在絳州垣曲縣西北二十里 方輿紀

要安邑故城在今縣西二里皇甫謐云舜禹皆都於此春

秋魏絳徙居之戰國策曰蒲坂平陽相去百里秦人一夜

襲之安邑不知史記秦孝公八年衛鞅將兵圍安邑降之

魏世家惠王三十一年秦地東至河安邑近秦於是徙都

大梁秦紀昭襄王二十一年左更錯攻魏魏獻安邑始置

河東郡志云城本魏文侯所築漢初魏豹居此遂以豹名

城案今縣乃北魏所分置之北安邑縣也固非古都亦非

曹參獲豹母妻垣縣城故魏邑也史記曰王垣亦曰武垣

子亦在彼也曹參世家擊魏豹於曲陽追至武垣生得豹遂取平陽

正義引括地志曲陽在博物志山在縣東狀如垣故縣亦有東

垣之稱案東垣在河南新安縣

濁澤亦曰涿澤在解州北

史記趙世家成侯六年魏惠王二年伐魏敗濁澤正義曰徐廣

云長社有濁澤非也括地志云濁澤源出蒲州解縣東北

平地爾時魏都安邑韓趙伐魏豈河南至長社也解縣濁

水近於魏都當是也

蒲陽在今隰州南

史記魏世家惠王七年秦降我蒲陽正義曰在隰州隰川縣蒲邑故城是也又景愍王五年秦拔我垣蒲陽正義曰蒲邑故城在隰州隰川縣南四十五里蒲水之北故曰蒲陽也

蒲反今蒲州府

史記魏世家哀王十六年秦拔我蒲反十七年與秦會臨晉秦與我蒲反 方輿紀要蒲反城在州東南五里杜佑曰秦晉戰於河曲卽蒲坂也戰國時爲魏地漢曰蒲反縣應劭曰故曰蒲秦始皇東巡見長坂故加反云反與坂同也志云今州城外東南隅有虞都故城與州城相連周九

里有奇

陽晉亦曰晉陽在虞鄉縣西封陵亦曰風陵在永濟縣南
史記魏世家哀王十六年秦拔我陽晉封陵正義曰陽晉
當作晉陽也史文誤括地志晉陽故城今名晉城在蒲州
虞鄉縣西三十五里表云魏哀王十六年秦杜陽晉卽此
城也封陵亦在蒲州 太平記蒲州河東縣風陵堆山在
縣南五十五里與潼關相對有風陵在其上

蒲州府志晉陽故城通志云今地在永濟縣東四十里
基城在永濟縣南六十里舊志云風后所創始以址存
故名今爲基城里據史記正義封陵在古蒲坂西南河
曲之中然則俗所謂基城者卽魏封陵之舊築耳

皮牢城在翼城縣

史記魏世家惠王十年伐趙取皮牢秦本紀昭王四十八年王齮攻皮牢拔之 括地志滄水源在翼城縣東南二十里皮牢當在滄之側

舊通志今爲牢寨村括地志滄水側有皮牢城是也

張城亦曰張陽城又稱東張在臨晉縣南

水經注涑水又西南逕張陽城東竹書紀年齊師逐鄭太子齒奔張城南鄭者也漢書之所謂東張矣高祖二年曹參假左丞相別與韓信東攻魏將孫述軍東張大破之蘇林曰屬河東卽斯城也

舊志王符曰河東解縣有西張城

鹽氏在安邑縣西卽司鹽城也

水經注涑水西南逕監鹽縣故城城南有鹽池本司鹽都

尉治領兵千餘人守之後罷尉司分猗氏安邑置縣以守之方輿紀要司鹽城在安邑縣西二十里括地志故鹽氏城也史記秦紀昭襄王十一年齊韓魏趙宋中山共攻秦至鹽氏而還漢有司鹽都尉治此因名司鹽城

其屬韓氏者武遂城在臨汾鄉甯縣界

方輿紀要城東去平陽七十里戰國時韓邑史記楚懷王二十年昭睢曰秦破韓宜陽而韓猶事秦者以先王墓在平陽而秦之武遂去之七十里也韓世家襄王六年秦復與我武遂九年秦復取武遂十六年秦與我河外及武遂釐王六年與秦武遂地二百里又秦紀武王四年涉河城武遂昭王初以武遂復歸韓卽此

謹案韓貞子始居平陽至哀侯歷九世始徙居鄭故

先王墳墓皆在平陽界也武遂距平陽七十里則在今府城西九十里爲鄉甯縣之秦王山其西距河亦適得二百里然則武王之所城釐王之所與韓先王之所葬皆當在今鄉甯境蓋平陽以西蒲陽皮氏皆爲魏地而此一邑介居其閒獨爲韓有及秦盡得河東而韓始不能守則越國鄙遠之難也張守節謂武遂地二百里及河外武遂爲宜陽近地昧於地形事勢矣當以昭睢之論爲得情

涇城卽涇庭汾旁蓋臨汾城也在太平縣

史記韓世家桓惠王九年秦拔我涇城汾旁正義曰拔涇城於汾水之旁方輿紀要臨汾城在太平縣南二十五里亦曰汾城秦昭襄王五十年發卒軍汾城旁卽此漢世

臨汾縣舊志臨汾故城在絳州東北二十五里當境相接

也案隋絳郡卽治臨汾縣

高都城在澤州

史記秦本紀莊襄王三年蒙驁攻魏高都汲拔之方與
紀要高都城在澤州東三十里戰國時魏地漢置高都縣
屬上黨

謹案高都當爲韓上黨十七城市邑之一長平役後
韓盡失其故地秦亦不能遠守故趙魏得乘閒據其
邊邑上黨本南鄰河內東傍邯鄲也高都故城史記
正義今澤州是證以水經注及唐地志其卽今府治
無疑而方志皆謂在府東三十里之高都鎮以北魏
徙置之縣爲秦漢故治殊不合也辨詳府州廳縣考

息城鄭太子壽所居也在翼城縣西

方輿紀要縣西三張村春秋時鄭太子奔晉居亦曰壽城

翼城縣志太子名壽康公之子因質於韓哀侯居之息

城

南屈在吉州鄉甯界

竹書魏安釐王七年翟章救鄭次於南屈

案左傳稱二屈或以二為北之

誤據此文則屈有南北故云二屈其相去又不甚遠也韓都於鄭故有鄭名平陽以西猶其屬地

右戰國趙魏韓

山西通志卷五十三